









爾雅正義卷第九

文淵閣校理翰林院編修加二級教習庶吉士充國史館纂修官邵晉涵撰集

釋天第八

**正義** 堯典云欽若昊天歷象日月星辰敬授人時史記正義云歷數之法日之

甲乙月之大小昏明遞中之星日月所會之辰定其天數以爲一歲之歷洪範云五紀一曰歲

二日月三日日四日星辰五日歷數天日月星運於歲月日辰之間歷數則總四者之不齊以

齊之也天道恒久而不已天運健行而不息以靜運動故積微成著自下測上凡九重一爲月

所行白道二爲辰星所行三爲太白所行四爲日所行黃道五爲熒惑所行六爲歲星所行七

爲填星所行八爲二十八舍恒星所行有象之高下止於八其上則大氣包之而爲九以去地

之遠近爲天行之內外屈原天問云圜則九重呂氏春秋云天微以成是也爾雅先釋四時者



堯典於仲春言日中於仲夏言日永於仲秋言  
宵中於仲冬言日短左氏昭十七年傳郟子述  
古少皞氏設官有司分司至司啓司閉分者春  
分秋分至者冬至夏至啓者立春立夏閉者立  
秋立冬所謂順天以授時也天之有南北極為  
左旋之樞以定南北天之有赤道為左旋之中  
帶以界南北而黃極為右旋之樞距北極二十  
餘度黃道為右旋之中帶斜交於赤道半在赤  
道南半在赤道北最遠距赤道亦二十餘度與  
黃極距北極相應日行黃道與赤道斜交二分  
日行交地平上下之度相等故寒暑平而晝夜  
均所謂日中宵中也日自南斂北春分後行赤  
道內其下值中土所居漸近寒日退而暑日進  
至夏至而極北交地平上下之度上多下少則  
晝長夜短所謂日永也日自北發南秋分以後  
行赤道外其下值中土所居漸遠暑日退而寒  
日進至冬至而極南交地平上下之度上少下  
多則晝短夜長所謂日短也寒暑相推而四時

行焉故釋天先及四時堯典云平秩東作平秩南爲平秩西成平在朔易四時得其平則和氣育物而爲祥不得其平則戾氣害物而爲災授時以民食爲本而雜占之休咎不與焉故祥與災次之堯典云期三百有六旬有六日以閏月定四時成歲堯典舉成數言之後世所謂歲實也續漢書律歷志云在天度在歷成日天本無度因日所躔以起度日循黃道一晝夜所過謂之一度凡三百六十五日小餘不及四分日之一後世所謂歲周也三百六十五日四分日之一後世所謂天周之度也晉虞喜分天周爲三百六十五度二十六分乃四分之一而有餘定歲周爲三百六十五日二十四分爲四分之一而不足所謂天者指列星而言所謂歲者指日躔而言後世推測雖分餘稍有增損要不遠乎堯典之成數至月與日會而有合朔日與天會而有分至其中氣朔策之不齊而氣盈朔虛之數以生乃置閏以通之而成歲焉爾雅所釋

歲名卽春官馮相氏所掌十有二歲之位也十  
 二歲爲一終合歲陽於歲名終十二歲者五積  
 歲六十是謂一周爾雅所謂月名卽馮相氏所  
 掌十有二月之位也合月陽於月名亦六十而  
 一周至於自甲至癸馮相氏所掌十日之位也  
 自寅至丑馮相氏所掌十有二辰之位也十日  
 十二辰數窮六十周則更始六六相乘準以敘  
 歲古者紀歲紀月各有定名所以驗天行之轉  
 也故歲陽歲名月陽月名次之洪範云月之從  
 星則以風雨漢書律歷志云月爲風雨風雨者  
 歲功所由成今海濱之人驗風雨者多於弦望  
 是風雨依於月也故風雨次之堯典言鳥火虛  
 昴祇分四象馮相氏言二十八星左氏內外傳  
 多言十二次星次至周而始詳爾雅於二十八  
 星十二次以及五星不盡釋者約舉以諗其餘  
 也舊時推步家以二十八宿爲天體則無以解  
 於九重天之說惟二十八宿與日月五星皆右  
 旋而南北推移加大氣左旋之天而爲九所謂



圓則九重也二十八宿之天旋轉甚微所謂天  
微以成也列宿因日躔而生歲差分至之氣因  
地而生里差古者紀歲不於節氣而取驗於星  
中者以星象舉目可見也宋書祖冲之曰中星  
見伏記籍每以審時者蓋以歷數難明而天驗  
易顯各據一代所合以為簡易之政也故星名  
次之祭祀必舉於四時講武必順乎四時欽若  
授時之政所為有事也故祭名與講武次之因  
講武而有旌旂故  
旌旂附見於後

穹蒼蒼天也

**註**

天形穹隆其色蒼蒼因名云

**正義**大雅  
桑柔云以

念穹蒼此釋其義以穹蒼即蒼天也說文云天顛也  
至高無上从一大釋名云天豫司兗冀以舌腹言之  
天顯也在上高顯也青徐以舌頭言之天坦也坦然  
高而遠也是穹者言其高也**註**天形至名云○**正義**  
詩疏引李巡云古時人質仰視天形穹隆而高色蒼  
蒼然釋文云郭以穹及蒼蒼俱為天稱蓋郭氏本於

李巡也莊子云天之蒼蒼其正色邪故李巡以蒼  
蒼二字為重文毛傳以蒼天釋穹蒼義得兩讀

春為蒼天

**註**

萬物蒼蒼然生

**正義**

王風黍離云悠悠蒼天此釋之也鄉飲酒義云

春之為言蠢也產萬物者聖也釋名云春蠢也動而  
生也春日蒼天陽氣始發色蒼蒼也**註**萬物至然生

○**正義**詩疏引李巡云春萬物始生其色蒼蒼故曰

蒼天郭註本李巡為義衆經音義引爾雅註云萬物

生蒼蒼然也詩疏云

蒼天以體言之也

夏為昊天

**註**

言氣皓肝

**正義**

小雅雨無正云浩浩昊天鄉飲酒義云夏之為言假也養

之長之假之仁也釋名云夏假也寬假萬物使生長

也夏日昊天其氣布散皓皓也詩疏引李巡云言萬

物盛壯其氣昊大故曰昊天**註**言氣皓肝○**正義**詩

疏云昊大貌故言其混元之氣昊昊廣大則稱昊天

秋為旻天

**註**

旻猶愍也愍萬物彫落

**正義**

大雅召旻云旻天疾威鄉飲酒

義云秋之為言愁也。擘之以時察守義者也。釋名云秋猶也。猶迫品物使時成也。秋曰旻。旻閔也。物就枯落可閔傷也。說文云旻秋天也。虞書曰仁閔覆下。則稱旻天。說文所引虞書蓋書傳之文也。詩疏引李巡云秋萬物成熟皆有文章。故曰旻天。孔疏云旻閔也。言其以仁慈之恩覆閔在下。則稱旻天。按旻天之義諸家不同。說文釋名俱以聲為義。李巡緣字體生訓。郭氏所不取也。孔疏義本毛傳與說文同。詁旻猶至彫落。○**正義**愍猶閔也。郭意與劉熙同。趙岐孟子註云旻秋天。幽陰氣也。

冬為上天

**詁**

言時無事在上而臨下而已

**正義**

小雅信南山云上天

同雲鄉飲酒義云冬之為言中也。中者藏也。釋名云冬終也。物終成也。冬曰上天。其氣上騰與地絕也。故月令曰天氣上騰地氣下降。詩疏引李巡云冬陰氣在上。萬物伏藏。故曰上天。太平御覽引孫炎云冬天氣藏。物伏於下。天清於上。**詁**言時至而已。○**正義**詩疏云從上而下視萬物則稱上天與郭義同。

四時

**正義**

題上事也曾子天圓篇云聖人慎守

逆白虎通義云歲時何謂春夏秋冬也時者  
 期也陰陽消息之期也四時天異名何天尊  
 各據其盛者為名也春秋物變盛冬夏氣變  
 盛釋名云四時四方各一時時期也物之生  
 死各應節期而止也詩疏引許叔重五經異  
 義云今尚書歐陽說春日昊天夏日蒼天秋  
 日旻天冬日上天爾雅亦云古尚書與毛詩  
 同謹按尚書堯典義和以昊天總勅以四時  
 故知昊天不獨春也左傳夏四月孔正卒稱  
 曰旻天不弔非秋也又引鄭康成駁異義云  
 元之闡也爾雅孔子門人所作以釋六藝之  
 言蓋不誤也春氣博施故以廣大言之夏氣  
 高明故以遠大言之秋氣或生或殺故以閔  
 下言之冬氣閉藏而清察故以監下言之皇  
 天者至尊之號也六藝之中諸稱天者以情  
 所求之耳非必於其時稱之浩浩昊天求天

之博施悠悠蒼天求天之高明旻天不弔求  
 天之生殺當得其宜上天同雲求天之所為  
 當順其時也此之求天猶人之說事各從其  
 主耳若察於是則堯命羲和欽若昊天孔  
 卒旻天不弔無可怪耳案鄭君據爾雅以駁  
 正異義其論篤矣惟以春為昊天夏為蒼天  
 與今本異說文云春為昷天元氣界昷即許  
 氏所据本也白虎通義引爾雅兼采兩說是  
 爾雅舊本有作春為昊天夏為蒼天者與許  
 鄭所見之木同也郭氏定從李巡木劉熙釋  
 名與李巡同蓋以蒼天之名因蒼蒼之色春  
 為木德厥色青蒼則蒼天當就春時而言矣  
 毛傳云蒼天以體言之尊而君之則稱皇天  
 元氣廣大則稱昊天仁覆閔下則稱旻天自  
 上降監則稱上天據遠視之蒼蒼然則稱蒼  
 天毛公以詩人稱天殊名而同德無妨隨舉  
 言之至於四時之名則當從爾雅不可易也  
 呂氏春秋言天有九野雖不可盡据然其於

東方曰蒼天實符雅訓高誘註云東方二月建卯木中也木色青故曰蒼天春為蒼天此亦其證故郭氏定從李巡

春為青陽

**詁**

氣青而溫陽夏為朱明

**詁**

氣赤而光明秋

為白藏

**詁**

氣白而收藏冬為乎英

**詁**

氣黑而清英四

氣和謂之玉燭

**詁**

道光照

**正義**

此釋四時嘉祥之氣也春盛德在木木色青故

其氣為青陽夏盛德在火火色赤故其氣為朱明色淺曰赤色深曰朱也秋盛德在金色白故其氣為白藏冬盛德在水水色黑故其氣為元英黑深而元淺也太平御覽引蔡邕月令章句云迎春歌青陽迎夏歌朱明迎秋歌白藏迎冬歌元英是又為四時樂章之名也四氣和謂之玉燭者樂記云動四氣之和又記索隱引孫炎云四氣和四時之化釋文引李巡云人君德美如玉而明若燭禮運云播五行於四時

和而后月生也孔疏五行四時調和道度不失而后  
月依時而生也監本作四時和謂之玉燭今從唐石  
經及宋本註氣青至光照○正義太平御覽引孫炎  
云夏氣赤而光明是郭註多本孫炎釋名云青生也  
象物生時色也赤赫也太陽之  
色也郭云道光照者義本尸子

春為發生夏為長羸秋為收成冬為安寧註此亦四時

之別號尸子皆以為太平祥風四時和為通正註通

平暢也謂之景風註所以致景風正義此四時之氣  
因以為別號也漢

郊祀歌云青陽開動根莖以遂膏潤并愛跋行肆逮  
是春為發生也朱明盛長莠與萬物桐生茂豫靡有  
所訕是夏為長羸也西顛沈陽秋氣肅殺含秀垂穎  
續舊不廢是秋為收成也元冥陵陰蟄蟲蓋藏中木  
零落抵冬降霜是冬為安寧也釋文引李巡云長羸  
萬物各發生長也文選註引爾雅作四氣和為通正

論衡是應篇云爾雅釋四時章曰春為發生夏為長  
 贏秋為收成冬為安寧四氣和為景星夫如爾雅之  
 言景星乃四時氣和之名也恐非著天之大星爾雅  
 之書五經之訓故儒者所共觀察也而不信從更謂  
 大星為景星豈爾雅所言景星與儒者所說異哉案  
 王充所引爾雅本與郭異謂尸子至祥風○正義舊  
 疏引尸子仁意篇述太平之事云燭於玉燭飲於醴  
 泉暢於永風春為青陽夏為朱明秋為白藏冬為元  
 英四時和正光照此之謂玉燭甘雨時降萬物以嘉  
 高者不少下者不多此之謂醴泉其風春為發生夏  
 為長贏秋為方盛冬為安靜四氣和為通正此之謂  
 永風又君治篇云舜南面而治天下天下太平燭於  
 玉燭息於永風食於膏火飲於醴泉蓋尸子本爾雅而推廣言之爾

甘雨時降萬物以嘉註莫不善之謂之醴泉註所以出

醴泉正義孔子問於云天降時雨書疏引鄭註洪範云春始施生故木氣為雨陰陽和則時雨降萬



物懋嘉故易曰說萬物者莫說乎澤甘澤時降卽爲醴泉論衡是應篇云爾雅言甘露時降萬物以嘉謂之醴泉醴泉乃謂甘露也今儒者說之謂泉從地中出其味甘若醴故曰醴泉二說相遠實未可知案雅釋水泉章一見一否曰濺檻泉正出正出涌出也沃泉懸出懸出下出也是泉出之異輒有異名使太平之時更有醴泉從地中出當於此章中言之何故反居釋四時章中言甘露爲醴泉乎若此儒者之言醴泉從地下出又言甘露其味甚甜未可然也儒曰道至大者日月精明星辰不失其行翔風起甘露降雨濟而陰一者謂之甘雨非謂雨水之味甘也推此以論甘露必謂其降下時適潤養萬物未必露味甘也亦有露甘味如飴蜜者俱太平之應非養萬物之甘露也何以明之案甘露如飴蜜者著於樹木不著五穀彼露味甘者其下時土地滋潤流濕萬物洽濡濡溥由此言之爾雅且近得實緣爾雅之言驗之於物案味甘之露下著樹木察所著之樹不能茂於所不著之木然今之甘露殆異於爾雅之所謂甘露

欲驗爾雅之甘露以萬物豐熟災害不生此則甘露  
降下之驗也甘露下是則醴泉矣註所以出醴泉○

**正義**禮運云天降膏露地出醴泉鄭註膏猶甘也郭

以禮記甘露醴泉並舉故以醴泉為甘雨之應上文

云所以致景風其義亦同皆以廣異說也

亦同皆以廣異說也

**祥****正義**題上事也釋詁云祥善也古者天地順

而四時當民有德而五穀昌無水旱昆蟲之

災無凶饑妖孽之疾所謂太平之祥也自好

異者援引上古侈言符瑞所謂景星醴泉者

多非其實白虎通義云景星者人星也月或

不見景星常見可以夜作有益於人民也甘

露者美露也降則物無不盛者也醴泉者美

泉也狀若醴酒可以養老禮記疏引援神契

云德及於天斗極明日月光甘露降德及於

地嘉禾生莫莢起和鬯出德至八極則景星  
見德至草木則朱草生木連理德至鳥獸則  
鳳凰來鸞鳥舞麒麟臻白虎動狐九尾雉白

首德至山陵則景雲出德至深泉則黃龍見醴泉湧河出龍圖洛出龜書其中緯書所載不可勝記爾雅正羣說之訛景風醴泉近徵諸四時之和萬物之茂而無取乎奇祥異彩故依於爾雅則不惑於讖緯之鄙別矣

穀不孰為饑

**註**

五穀不成

**正義**

說文云穀續也百穀之總名穀不孰為饑左傳疏引

李巡云穀不成熟曰饑穀梁襄二十四年傳穀不升謂之饑二穀不升謂之饑三穀不升謂之饑四穀不升謂之康五穀不升謂之大饑又謂之大侵此以

穀入多寡分立差等兼取荒饉為名其實五者皆為饑也墨子七患篇一穀不收謂之饑二穀不收謂之

旱三穀不收謂之凶四穀不收謂之饑五穀不收謂之饑墨子所道不皆先王之法言其以五穀不收為

饑則合於雅訓矣**註**五穀不成**正義**穀善養人前

人多錯舉其數有稱九穀者天官太宰九職一曰三

農生九穀鄭司農云九穀黍稷秫稻麻大小豆大小

爾雅注疏

卷九

八

麥後鄭謂九穀無秫大麥而有梁苽覈食醫及月令  
 之文當從後鄭穀之種別有九也有稱六穀者膳夫  
 云食用六穀鄭司農云六穀稌黍稷粱麥苽亦據食  
 醫會膳食之宜而言也有稱百穀者離象傳云百穀  
 草木薳乎土洪範云百穀用成周頌噫嘻云播厥百  
 穀傳記多言百穀皆舉其成數見穀種之多也其言  
 五穀者則色配五行月令春食麥夏食菽中央食稷  
 秋食麻冬食黍鄭註云麥秀有孚甲屬木菽實孚甲  
 堅合屬水稷五穀之長麻實有文理屬金黍實舒散  
 屬火寒時食之亦以安性也疾醫註云五穀麻黍稷  
 麥豆是據月令為說至職方五種註云稻黍稷麥菽  
 不從月令賈公彥謂諸州所宜鄭以目驗者是也素  
 問金匱真言論東方青色其穀麥南方赤色其穀黍  
 中央黃色其穀稷西方白色其穀稻北方黑色其穀  
 豆與職方註同今民食所重為稻黍稷麥菽是為五  
 穀定名素問分言五穀之色亦與五行相配五行播  
 而時敘和五穀熟則民  
 人育年不順成則為饑

疏不孰為饑

**註**凡草菜可食者通名為蔬

**正義**詩疏引李巡云可食

之菜皆不孰為饑太宰九職八曰臣妾聚斂蔬材鄭

註蔬材百草根實可食者可食之菜或蕤於圃或采

於野厥類孔多通謂之百蔬魯語云能殖百穀百蔬

荀子富國篇云葦菜百疎以澤量楊倞註疎與疏同

以澤量言滿澤也散文言之木實亦得為蔬地官委

人云凡疏材木材鄭註凡疏材草木有實者也月令

云山林藪澤有能取蔬食鄭註草木之實為蔬食皆

兼材與食而言也韋昭國語註云蔬草菜之可食者

果不孰為荒

**註**果木子

**正義**荒說文作糞云虛無食也

說卦傳云艮為果疏釋文引馬融云果桃李之屬蔬

瓜瓠之屬太宰九職二曰園圃毓草木後鄭云樹果

蔬曰圃漢書食貨志云還廬樹桑菜茹有畦瓜瓠果

核曰果無核曰蘇薛瓊云木上曰果地上曰蘇義相  
 通也荀子富國篇瓜桃棗李一本數以盆鼓楊倮註  
 一本一核也鼓量也言除五穀之外更有此果實是  
 果實之熟亦富國者所資矣周禮疏引爾雅云穀不  
 熟為饑疏不熟為饑疏穀皆不熟則曰  
 大荒果不熟之歲必無穀疏故為大荒

仍饑為荐

**註**

連歲不熟左傳曰今又荐饑

**正義**

釋言云荐再也大雅

雲漢云饑饉薦臻毛傳薦重也荐薦古通用仍即重  
 也**註**連歲至荐饑。**正義**左傳疏引李巡云連歲不  
 熟曰荐郭註木李巡左氏傳十三年傳云晉荐饑晉  
 語云今又荐饑魯語云饑饉荐降國語為左氏外傳  
 故亦稱左傳

災

**正義**

題上事也易釋文引子夏傳云傷害曰災鄭氏云害物曰災春秋繁露必仁且知篇

天地之物有不常之變謂之異小者謂之災災常先至而異乃隨之災者天之譴也異者

天之威也五行之沴皆為災而民食為重故左氏莊十年傳云天降之災僖十三年傳

云天災流行皆指饑饉而言白虎通義引禮曰一穀不升不備鶉鷄二穀不升不備鳧鴈

三穀不升不備雉兔四穀不升不備豕獸五穀不升不備三牲皆慎災之事也

太歲在甲曰闕逢甲而出也釋名云甲者言萬物剖符

甲而生也太歲在甲曰闕逢衆經音義引李巡云萬物鋒芒欲出擁遏未通故曰闕逢淮南天文訓寅在

甲曰闕逢高誘註萬物鋒芒欲出擁遏未通闕逢歷書作焉逢

在乙曰旃蒙乙者言萬物生軋軋也釋名

乙曰旃蒙高誘註萬物過蒙甲而出歷書作端蒙

在丙曰柔兆丙者言陽道著明故曰丙釋

名云丙炳也物生炳然皆著見也衆經音

義引李巡云言萬物皆垂枝布葉故曰柔兆也孫炎云萬物柔婉有條兆也天文訓云辰在丙曰柔兆高

誘註萬物皆生枝布葉歷書作游兆徐廣曰一作游桃

在丁曰強圉

**正義**律書云丁者言萬物之丁壯也故曰丁壯也物體皆丁壯也衆經音

義引李巡云言萬物皆剛盛未通故曰強圉孫炎曰萬物皮孚堅者也天文訓云已在丁曰強圉高誘註

萬物剛盛歷書作疆梧

在戊曰著雍

**正義**白虎通義云戊者茂也釋名云戊茂也物皆茂盛也天文訓云午在戊曰著雍

高誘註位在中央萬物繁養四方歷書作徒維

在巳曰屠維

**正義**白虎通義云巳者屈伸起釋名云巳紀也皆有定形可紀識也天文訓云未

巳曰屠維高誘註屠別維離也萬物各成其性歷書作祝犁



在庚曰上章

**正義**律書云庚者言陰氣庚萬物故曰庚釋名云庚猶更也庚堅強意也天文訓云

中在庚曰上章高誘註陰氣上升萬物畢生歷書作商橫

在辛曰重光

**正義**律書云辛者言萬物之辛生故曰辛釋名云辛新也物初新者皆收成也天文

訓云酉在辛曰重光高誘註萬物就成熟其煌煌歷書作昭陽

在壬曰予默

**正義**律書云壬之為言任也言陽氣任養萬物於下也釋名云壬妊也陰陽交物懷

妊也至子而萌也天文訓云戌在壬曰元默高誘註歲終包在萬物歷書作橫艾

在癸曰昭陽

**正義**律書云癸之為言揆也萬物可揆度故曰癸釋名云癸揆也揆度而生乃出之

也天文訓云亥在癸曰昭陽高誘註陽氣始萌萬物合生歷書作尚章

歲陽

**正義**此別太歲在日之名也史記索隱引爾雅釋天云歲陽者甲乙丙丁戊己庚辛

壬癸十干是也歲陰者子丑寅卯辰巳午未  
 申酉戌亥十二支是也廣雅云甲乙為幹幹  
 者日之神也寅卯為枝枝者月之靈也甲剛  
 乙柔丙剛丁柔戊剛己柔庚剛辛柔壬剛癸  
 柔左傳昭七年傳云天有十日杜註云甲至  
 癸是甲癸為日名爾雅以太歲所在言之案  
 隱以上干為歲陽非也舊疏引漢書律歷志  
 云復得闕逢攝提格之歲歲在甲曰闕逢在  
 寅曰攝提格此謂甲寅之歲也然則乙卯之  
 歲曰旃蒙單過丙辰之歲曰柔兆執徐丁巳  
 之歲曰強圉大荒落戊午之歲曰著雍敦牂  
 己未之歲曰居維協洽庚申之歲曰上章涖  
 灘辛酉之歲曰重光作樂壬戌之歲曰元熙  
 閏茂癸亥之歲曰昭陽大淵獻甲子之歲曰  
 闕逢困敦乙丑之歲曰旃蒙  
 赤奮若以此推之周而復始

太歲在寅曰攝提格

**正義**

史記律書云寅言萬物始生  
曠然也故曰寅釋名云寅演也演

生物也史記索隱引李巡云萬物承陽起故曰攝提格  
格格起也淮南天文訓云太陰在寅歲名曰攝提格  
高誘註格起萬物承陽而起易緯是類謀云  
攝提招紀鄭註云攝提招紀天元甲寅之歲

在卯曰單闕

**正義**律書云卯之言茂也言萬物茂也釋  
名云卯冒也載冒土而出也於易為震二

月之時雷始震也索隱引李巡云陽氣推萬物而起  
故曰單闕單盡也闕止也淮南云太陰在卯歲名曰  
單遏高誘註單盡遏止陽氣推萬物而起陰氣  
盡止索隱又引孫炎本作蟬焉云蟬猶伸也

在辰曰執徐

**正義**律書云辰者言萬物之娠也釋名云  
辰伸也物皆伸舒而出也索隱引李巡云

伏蟄之物皆振舒而出故曰執徐執蟄徐舒也淮南  
云太陰在辰歲名曰執徐高誘註執蟄徐舒伏蟄之  
物皆散舒而出

在巳曰大荒落

**正義**律書云巳者言陽氣之巳盡也釋  
名曰巳巳也陽氣畢布巳也於易為巽

異散也物皆生布散也淮南云太陰在巳曰大荒落  
 高誘註荒大也方萬物熾盛而大出霍然落落大布  
 散索隱引姚察之說與高誘同大荒落歷書作大芒  
 落天官書作大荒駱堂邑令費鳳碑作歲俗于大荒  
 者省

在午曰敦牂

**正義**律書云午者陰陽交故曰午釋名云  
 午作也陰氣從下上與陽相作逆也於易

為離離麗也物皆附麗陽氣以茂也索隱引孫炎云  
 敦盛牂壯也言萬物盛壯淮南云太陰在午歲名曰  
 敦牂高誘註  
 與孫炎同

在未曰協洽

**正義**律書云未者言萬物皆成有滋味也  
 釋名云未味也口中則未向幽昧也索隱

引李巡云陽氣欲化萬物故曰協洽協和洽合也淮  
 南云太陰在未歲名曰協洽高誘註陰欲化萬物和  
 合協洽歷書作汁洽  
 童子逢盛碑作協給

在申曰涇灘

**正義**律書云申者言陰用事申賊萬物釋名云申身也物皆成其身體使備盛也衆

經音義引李巡云言萬物皆循精氣故曰涇灘灘單盡也孫炎云涇灘萬物吐秀傾垂之貌淮南云太陰

在申曰涇灘高誘註涇大灘循萬物皆循其精氣呂

氏春秋十二紀序意篇云歲在涇灘高誘註涇大也

灘循也萬物皆大循其情性也涇灘誇人短舌不能

言為涇灘也說文云涇食已而復吐之魯相韓勅造

孔廟禮器

碑作涇歎

在酉曰作噩

**正義**律書云酉者萬物之老也釋名云酉者秀也秀者物皆成也於易為兌兌說也

物得備足皆喜悅也噩本或作鄂歷書作鄂索隱

引李巡云作鄂皆物芒枝起之貌淮南云太陰在酉

日作鄂高誘註作鄂零落也萬物皆

墜落漢書天文志云在酉曰作噩

在戌曰闕茂

**正義**律書云戌者言萬物盡滅故曰戌釋名云戌恤也物當收斂矜恤之也亦言脫

也落也索隱引孫炎云萬物皆蔽冒故曰闞茂茂冒也淮南云太陰在戌曰掩茂高誘註掩蔽茂冒萬物

皆蔽冒闞茂  
歷書作淹茂

在亥曰大淵獻

**正義**律書云亥者該也言陽氣藏於下故該也釋名云亥核也收藏百物核取

其好惡真偽也亦言物成皆堅核也索隱引孫炎云淵深也大獻萬物於深言蓋藏之於外也淮南云太陰在亥曰大淵獻高誘註淵藏獻迎萬物終在亥大小深藏窟伏以迎陽

在子曰困敦

**正義**律書云子者滋也言萬物滋於下也釋名云子孳也陽氣始萌孳生於下也於

易為坎坎險也索隱引孫炎云困敦混沌也言萬物初萌混沌於黃泉之下也淮南云太陰在子歲名曰困敦高誘註困混敦沌陽氣皆混沌萬物牙蘖

在丑曰赤奮若

**正義**律書云丑紐也言陽氣在上未降萬物厄紐未敢出釋名云丑紐也寒氣

自屈紐也於易為艮艮限也時未可聽物生限止之也正義引李巡云陽氣奮迅萬物而起無不若其性故曰赤奮若若順也淮南云太陰在丑歲名曰赤奮若高誘註奮起若順也陽奮物而起無不順其性赤陽色歷書

載歲也夏曰歲註取歲星行一次商曰祀註取四時一

終周曰季註取禾一熟唐虞曰載註取物終更始義正

此別年歲之名也左傳疏引李巡云各自紀事唐虞三代示不相襲也其名不相襲而義則相通故載即歲也左傳疏又引李巡云載一歲莫不覆載也夏曰歲者釋名云歲越也越故限也夏小正云初歲祭未是也商曰祀者釋名云祀已也新氣升故氣已也洪範云惟十有三祀洪範為箕子所自作故經傳皆稱為商書也周曰年者釋名云年進也進而前也洛誥云公其以子億萬年是也唐虞曰載者釋名云載生

物也堯典云九載績用弗成舜典云三載考績是也

**取**取歲星行一次○**正義**左傳疏引孫炎云四時一終曰歲取歲星行一次也郭註本孫炎說文云歲木

星也越歷二十八宿宣徧陰陽十二月一次律曆書以五星為五步漢書天文志晉灼云太歲在四仲則

歲行三宿太歲在四孟四季則歲行二宿二十八宿有緯南緯北之分黃道有斜交正交之勢五星從天又

從日故有隨天之輪又有逐日之輪兩者相加而後可以審高下之徑遲速之差素問云凡五星高而遠

則小下而近則大言由人目仰視之大小以測高卑也二十八宿之度多寡不同非宿三十度皆不及一

度晉灼謂歲星仲行三宿孟季行二宿未聞其審其謂十二歲而周天者舉成數而言實則周天不及十

二歲蓋十一年三百一十三日四十六刻有奇而一周天也積八十四年趨一辰○取四時一終○**正義**

書疏引孫炎云祀取四時祭祀一訖也○取禾一熟○**正義**說文云季穀孰也春秋傳曰大有年鄭註文



王世子云季天氣也疏云季稔也稔孰為歲穀一孰  
是季為天氣也詩補傳引孫炎云季取禾穀一熟○  
取物終更始○**正義**左傳疏引孫炎云載  
始也書疏引孫炎云載取萬物終而復始

**歲名**

**正義**此別歲在十二辰之名也秋官蒼  
氏云十有二歲之號鄭註歲謂從攝提格

至赤奮若十二歲之名所以別於十二辰也

賈誼鵬賦云單過之歲郊祀樂歌云天馬徠

執徐時說文敘云困頓之年是漢人猶宗雅

訓也然漢人即有以日辰之名紀歲者韓勅

造孔廟禮器碑云青龍在涪歎後碑云青龍

建西嶽華山亭碑云歲在戊午荆州刺史

度尚碑云歲在鷓尾龍集丁未金鄉長侯成

碑云歲在己酉歲在甲辰以甲子紀歲趨從

簡易積習生常非雅訓之舊矣爾雅兼別年

歲之名者鄭註天官云正月吉謂朔日歲謂

夏之正月得四時之正以出教令者審也春

官太史正歲年以敘事周時三正並用故幽

風七月之詩月日竝舉左氏定四年傳述分  
 土之制於衛則啓以殷政於晉則啓以夏政  
 各視其風土所宜蓋更正朔以一天下之視  
 聽又從民俗所服習者以為教令此太宰小  
 宰觀治象之法所由並行於正月之吉與正  
 歲也逸周書云夏數得天百王所同乾鑿度  
 云三王之郊一用夏正堯典言成歲是唐虞  
 亦稱歲故載為歲也商頌殷武云歲事來辟  
 是商亦稱歲也白虎通義云或言歲或言載  
 或言年何言歲者以紀氣物帝王共之據日  
 為歲年者仍也年以紀事據月言年  
 載之言成也載成萬物終始言之也

月在甲曰畢在乙曰橘在丙曰修在丁曰圉在戊曰厲  
 在巳曰則在庚曰室在辛曰塞在壬曰終在癸曰極

**正義** 史記歷書云年名焉逢攝提格月名畢聚索隱  
 云聚音陬是也又引僖公云月雄在畢雌在訾訾則

娠訾之宿洪邁以為虞喜之說字誤作僖公案虞喜以陬為訾陬之星非也唐書歷志引洪範傳云歷紀始於顛頊上元太始闕蒙攝提格歲畢陬之月朔日已巳是以畢陬為月名其來古矣畢橘諸義未詳

月陽

**正義**題上事也虞喜所謂月雄月雌猶云月陽月陰也舊疏云設若正月得甲則日

畢陬二月得乙則日橘如三月得丙則日修

病四月得丁則日圍余五月得戊則日厲臯

六月得巳則日且七月得庚則日室相八

月得辛則日塞壯九月得壬則日終元十月

得癸則日極陽十一月得甲則日畢

辜十二月得乙則日橘涂周而復起

正月為陬

**註**離騷云攝提貞於孟陬 **正義**此以下釋十

秋繁露云凡歲之要在正月也漢書律歷志引周書武成篇惟一月壬辰志又云成王元年正月己巳朔

一月即正月也白虎通義云日尊於月也不言正日言正月何也積日成月物隨月而變故據物為正也

**詁**離騷至孟陬**正義**離騷云攝提貞於孟陬兮惟庚

寅吾以降此並舉歲月日而言之也王逸章句云太

歲在寅日攝提孟始也正月為陬大戴禮記用兵篇

攝提失方鄒大失紀慮辨註以為陬聲誤為鄒也漢

書劉向傳引作攝提失方孟陬無紀孟康云首時為

孟正月為陬陬史記云閏餘乖次孟陬殄滅集解云正

月為孟陬

二月為如三月為病四月為余

**正義**如病義未詳釋文云病本或作窳余者詩

疏引李巡云四月萬物皆生枝布葉故曰余余舒也

孫炎云物之枝葉發舒釋文云孫本作舒案小雅小

明云日月方除毛傳除陳生新也鄭箋四月為除是余本又作除

五月為臯六月為且七月為相八月為壯九月為予**詁**

國語云至於予月是也**正義**臯且相壯義俱未詳元

者詩疏引李巡云九月萬物

草盡陰氣侵寒其色皆黑孫炎云物衰而色元也  
國語至是也○正義越語文章註引爾雅謂魯哀十

六年九月

十月為陽

**註**

純陰用事嫌於無陽故以名云

**正義**小雅采薇云歲

亦陽止秋杜云日月陽止毛傳陽歷陽月也鄭箋十月為陽時坤用事嫌於無陽故以名此月為陽案董仲舒雨雹對云十月陰雖用事而陰不孤立是則分陰分陽互為消息故十月為陽  
**註**純陰至名云○**正義**詩疏引孫炎云嫌於無陽故名之為陽孫郭俱本鄭箋

十一月為辜十二月為涂

**註**

皆月之別名自歲陽至此

其事義皆所未詳通者故闕而不論

**正義**辜義未詳秋官砮蒺氏以

方書十有二月之號鄭註月謂

從奴至茶奴馭茶涂俱假借字

月名

**正義**題上事也春秋繁露云十者天之數也十二者歲之度也用歲之度條天之數

十二而天數畢又云天有四時每一時有三月三四十二二月相受而歲數終矣爾雅

不云月在寅為陬而云正月為陬者後漢書陳寵傳云天以為正周以為春地以為正殷

以為春人以為正夏以為春是三正皆以正月為陬郭氏釋陽月似据夏時而言以夏時

為民俗通用也

南風謂之凱風**証**詩曰凱風自南東風謂之谷風**証**詩

云習習谷風北風謂之涼風**証**詩云北風其涼西風

謂之泰風**証**詩曰泰風有隧**正義**此据詩文以分釋

凱風者詩疏引李巡云南風長養萬物喜樂故曰凱風凱樂也夏小正謂之俊風東風謂之谷風者詩疏

引孫炎云谷之言穀穀生也谷風者生長之風陰陽不和卽風雨無節故陰陽和乃谷風至北風謂之涼風者月令孟秋之月涼風至謂寒涼之風也說文涼作颯西風謂之泰風者詩疏引孫炎云西風成物物豐泰也此四方之風應四時者也通卦驗云東北曰條風東方曰明庶風東南曰清明風南方曰景風西南曰涼風西方曰閭闔風西北曰不周風北方曰廣莫風條風一名融風景風一名凱風此又自四方而推言之耳註詩曰至有隧正義凱風自南習習谷風北風其涼俱抑風文泰風有隧大雅桑柔文

焚輪謂之頽

註

暴風從上下扶搖謂之焱

註

暴風從下

上風與火爲庀

註

庀庀熾盛之貌迴風爲飄註旋風

也

正義

上言風之應乎時者此言風之不時至者也焚輪謂之頽者小雅谷風云維風及頽此釋之也

詩疏引李巡曰焚輪暴風從上下降謂之頽頽下也孫炎曰迴風從上下曰頽扶搖謂之焱者月令篇云

猋風暴雨總至此釋之也說文作飊扶搖風也詩疏  
 引李巡云扶搖暴風從下升上故曰猋猋上也孫炎  
 云迴風從下上曰猋莊子逍遙遊云博扶搖而上者  
 九萬里司馬彪註上行風謂之扶搖淮南原道訓云  
 扶搖抄羊角而上高誘註扶搖如羊角曲縈而上也  
 風與火為庖者易象傳云風自火出此釋其名為庖  
 也孔疏云火出之初因風方熾火既炎盛復生風象  
 皆言實事故爾雅釋之舊說以為假象非也迴風為  
 飄者何人斯云其為飄風此釋之也說文云飄回風  
 也鄭註禮記云迴風為猋孔疏謂風之迴轉也鄭君  
 所見爾雅木與郭異也註暴風從上下○正義毛傳  
 頽風之焚輪者也風薄相扶而上與郭義異○暴風  
 從下上○正義劉逵魏都賦註云猋上也風從下升  
 也顏師古漢書註云猋疾風也○旋風也○正義詩  
 疏引李巡云旋風也一日飄別二名郭  
 註本李巡離騷云飄風屯其相離分

日出而風為暴

註

詩曰終風且暴風而雨土為霾

註

詩



曰終風且霾陰而風為曠

**正義**此釋風之

異者也日出而風為暴者詩疏引孫炎云陰雲不興而大風暴起毛傳云暴疾也風而雨土為霾者書疏引鄭註云風土氣也凡氣非風不行猶金木水火非土不處故土氣為風風本屬土氣其烈風卷塵埃而下則為霾詩疏引孫炎云大風揚塵從上下也釋名云風而雨土曰霾霾晦也言如物塵晦之色也陰而風為曠者詩疏引孫炎云雲風曠日光釋名云陰而風曰曠曠翳也言掩翳日光使不明也**註**詩曰至且曠○**正義**終風且暴終風且霾終風且曠俱指風文

天氣下地不應曰霧**註**言蒙昧地氣發天不應曰霧霧

謂之晦**註**言晦冥

**正義**此釋蒙霧之氣象也雩者洪範曰蒙疏引鄭氏書註蒙作雩云

雩者色澤鬱鬱冥冥也雩聲近蒙李善文選註云雩與蒙同鄭註尚書大傳云蒙冒也釋名云蒙日光不

明蒙蒙然也是為天氣下地不應也霧者月令云氣  
霧冥冥鄭註霜露之氣散相亂也史記宋世家引洪  
範蒙作霧集解引鄭註云氣不釋鬱冥冥也釋名云  
霧目也氣蒙亂覆冒物也是為地氣發天不應也霧  
霧氣應雖殊其象相似故說文作天氣下地不應曰  
霧霧晦也史記索隱引爾雅天氣下地不應曰霧言  
蒙昧不明之意也霧霧二字古嘗通用矣霧謂之晦  
者春秋僖十五年九月己卯晦公羊穀梁傳皆云晦  
冥也釋言  
云晦冥也

蠓 蠓謂之零 蠓 蠓虹也 註 俗名為美人虹 江東呼零 蜺

為挈貳 註 蜺雌虹也 見離騷 挈貳其別名 見尸子 義 正

鄺風云蠓 蠓在東月令云虹始見又云虹藏不見此  
釋之也釋名云虹攻也純陽攻陰氣也又曰蠓 蠓其  
見每於口在西而見於東 啜飲東方之水氣也見於  
西方曰濔朝日始升而出見也文子尚德篇天二氣

卽成虹詩疏云虹是陰陽交會之氣純陰純陽則虹  
不見若雲薄漏日日照雨滴則虹生蟬與蝮音義同  
虹又謂之蜺者孟子云若大旱之望雲霓也趙岐註  
霓虹也雨則虹見故大旱而思見之說文云霓屈虹  
青赤或白色陰氣也孟子舊疏引爾雅云雲出天之  
正氣霓出地之正氣雄謂之虹雌謂之霓則雲陽物  
也陰陽和而旣雨則雲散而霓見矣舊疏所引不知  
何人之說而以爲出於爾雅疑接引之誤也註俗名  
至呼雩。○正義釋名云虹又曰美人陰陽不和婚姻  
錯亂則此氣盛故以盛時名之也江東呼爲雩郭以  
方俗語爲證也。○蜺雌至尸子。○正義月令正義引  
郭氏音義云虹雙出色鮮盛者爲雄雄曰虹闇者爲  
雌雌曰霓離騷云率雲蜺以來御悲回風云處雌蜺  
之標顛天問云白蜺嬰茀遠遊云雌蜺嬈嬈以曾橈  
是雌虹爲蜺之證也挈貳其別名  
文選註引尸子云虹霓爲析翳

弁曰爲蔽雲註

卽暈氣五彩覆日也

正義說文云霧雲覆日也釋名云雲

猶云云衆盛意也又言運也運行也身日謂之蔽雲  
 又謂之背譎淮南覽冥訓背譎見于天高誘註日旁  
 五色氣在兩邊外出爲背外向爲譎內向爲珥在上  
 外出爲冠註卽暈至日也正義春官眠祿掌十輝  
 之法鄭司農云輝謂日光氣輝卽暈字俗體作暉釋  
 名云暈捲也氣在外捲結之也日月俱然珥氣在日  
 兩旁之名也珥耳也言  
 似人耳之在兩旁也

### 疾雷謂之霆

**註**雷之急激者謂霹靂

**正義**易繫辭云鼓

雷陰陽薄動雷雨生萬物者也霆雷餘聲鈴鈴所以  
 疾生萬物釋名云雷碾也如轉物有所碾雷之聲也  
 春秋隱九年云大雨震電穀梁傳云震雷也電霆也  
 淮南天文訓陰陽相薄爲雷激而爲電易釋文引京  
 房云霆者雷之餘聲挺生萬物也監本作疾雷爲霆  
 霓今從初學記註雷之至霹靂正義急激監本作  
 急從左傳疏衆經音義引郭註作雷之急迅者  
 也說文云震劈歷振物者釋名云震戰也所擊輒破

若攻戰也又曰辟歷辟折也所歷皆破折也  
霹靂俗體字文選註引倉頡篇云霆霹靂也

**雨霓為霄雪** **註**詩曰如彼雨雪先集維霰霰冰雪雜下

者故謂之消雪 **正義**說文云霰稷雪也或从見釋名  
云雪綏也水下遇寒氣而凝綏綏然

下也霰星也水雪相搏如星而散也雨霓謂之霄雪  
者說文又云雨霓為霄齊語也釋文云霓本或作霰

靈霄本亦作消漢書引五行傳云雹者陰脅陽也霰  
者陽薄陰也詩疏云盛陽之氣在雨水則溫暝為陰

氣所薄而脅之不相入則搏為雹也盛陰之氣在雨  
水則凝滯而為雪陽氣薄而脅之不相入則消散而

下因水而為霰 **註**詩曰至消雪 **正義**郭所引詩小雅  
類弁文鄭箋云將大雨雪始必微溫雪自上下遇溫

氣而搏謂之霰文選註引薛君韓詩章句云霰  
霰也故謂之消雪監本作謂之霄雪今從宋本

**暴雨謂之凍** **註**今江東呼夏月暴雨為凍雨離騷云令

飄風兮先驅使凍雨兮灑塵是也小雨謂之霖霖

詩曰益之以霖霖久雨謂之淫左傳曰天作淫雨

淫謂之霖雨自三日已上為霖正義此釋雨降之異名上文言甘雨

時降凍雨霖霖皆應乎時者淫雨其不時者也。暴

風疾風凍雨暴雨說文作暴疾雨也又謂之陵雨法

言云震風陵雨李顥註陵雨暴雨也。小雨謂之霖

惟及其上枝而根不濡也。久雨謂之淫。月令云

季春行秋令則天多沈陰淫雨早降謂雨之過多者

也月令又謂之苦雨。淫謂之霖。說文云霖雨三

日已往南陽謂霖雨曰震今江至是也。正義張

衡思元賦舊註云巴郡謂暴雨為凍雨郭云江東呼  
夏月暴雨為凍雨各以時驗而言也九歌大司命云  
令飄風兮先驅使凍雨兮灑塵郭以為離騷者屈原

濟謂之霽

今南陽人呼雨止為霽

正義洪範云日霽

霽作濟濟者雨止之雲氣在上也說文云霽雨止也霽謂之霽

風雨

正義題上事也易曰潤之以風雨王逸楚

萬物搖雨降而萬物植釋名云風充豫司冀橫口合唇言之風汜也其氣博汜而動物也青徐言風馭口開唇推氣言之風放也氣放散也雨羽也如鳥羽動則散也又雨水從雲

所作二十五篇漢志謂之屈原賦王逸章句謂之楚詞漢初統謂之離騷故太史公云屈原放逐乃賦離騷指二十五篇而總言之也。詩曰至霖霖。小雅信南山文疏引李巡云冰雪俱下蓋承上文同雲雨雪而緣飾為義與爾雅小雨之訓相違故郭氏不取。左傳至淫雨。正義莊十一年傳文。雨自至為霖。正義春秋隱九年云大雨霖以震左傳云雨自三日以往為霖郭引之也。

下也雨者輔也言輔時而生養此篇廣風雨之異名繫於釋天者春秋繁露五行對云地出雲為雨起氣為風風雨者地之所為地不敢有其功名必上之於天命若從天氣者故曰天風天雨也莫曰地風地雨也兼及於霽霽雷霆雪霰者曾子天圓篇云陰陽之氣各從其所則靜矣偏則風俱則雷交則電亂則霧和則雨陽氣勝則散為雨露陰氣勝則凝為霜雪陽之專氣為霽陰之專氣為霰霽者一氣之化也盧辨註云偏則風而和則雨此謂一時之氣也至若春多雨則時所宜也陽氣在雨溫煖如湯陰氣薄之不相入轉而為霽陰氣在雨凝滯為雪陽氣薄之不相入散而為霰是皆風雨類也併及於虹霓彗雲者風雨所由占驗也

壽星角亢也

**註**

數起角亢列宿之長故曰壽天根氏也



**註**角亢下繫於氏若木之有根

**正義**星名始於角亢起蒼龍之宿也史記

律書云角者言萬物皆有枝格如角也亢者言萬物  
亢見也氏者言萬物皆至也月令云仲秋之日日在  
角仲夏之月旦亢中季冬之月旦氏中鄭註日月之  
行一歲十二會聖王因其會而分之以為大數焉凡  
記昏明中星者為人君南面而聽天下視時候以授  
民事夏小正云四月初昏南門正十月初昏南門見  
南門者亢上下之星也角兩星相對觸故天官書云  
左角李右角將亢四星曲而長故天官書云亢為疏  
廟其南北兩大星曰南門小正以識亢星所在也氏  
四星側向以承抵故天官書云氏為天根星度分十  
二次角亢壽星之次也晉語云歲在壽星又云復於  
壽星韋昭註自軫十二度至氏四度為壽星之次是  
氏亦壽星之次也左氏桓五年傳云龍見而雩續漢  
志註引服虔云龍角亢也謂四月昏龍星體見莊二  
十九年傳龍見而畢務杜註謂今九月周十一月龍  
星角亢晨見東方周語云辰角見而兩畢天根見而

水澗本見而草木節解韋註辰角大辰蒼龍之角角者星名也見者朝見東方建戌之初寒露節也天根元氏之問也謂寒露雨畢之後五日天根朝見本氏也謂寒露之後十日是氏亦謂之本也案國語言晨見之星不指中星而言註數起至日壽正義十二次以元枵為首爾雅先言壽星者以角亢為列宿之首也開元占經分野略例云於辰在辰為壽星三月之時萬物始達於地春氣布養萬物各盡其天性不罹天夭故曰壽星此以月建之十二次釋天星之十二次也○角亢至有根正義史記索隱引孫炎云角亢下繫於氏若木之有根郭註本孫炎衆經音義引爾雅音義云天根為天下萬物作根氏故曰天根說文云柢木根也根木株也木下曰本

**天駟房也**註龍為天馬故房四星謂之天駟大辰房心

尾也註龍星明者以為時候故曰大辰大火謂之大

辰

大火心也在中

最明故時候主焉

正義律書云

言萬物始生如尾也房四星下垂而長故天官書云

房為府曰天駟其陰右驂心三星色赤中最深故天

官書云心為明堂尾九星首岐尾上起故天官書云

尾為九子月令云季秋之月日在房季夏之月昏火

中孟春之月旦尾中孟冬之月日在尾房星為天駟

者周語云駟見而隕霜又云月在天駟又云自鶉及

駟七列也韋註鶉火之分張十三度駟天駟房五度

歲月之所在從張至房七列合七宿謂張翼軫角亢

氏房之位又謂之農祥周語農祥晨正又云辰馬農

祥也說文云房星為民田時者韋註農祥房星也房

星晨正而農事起故謂之農祥也大辰房心尾者春

秋昭十七年有星孛于大辰穀梁傳云于大辰者濫

于大辰也范甯註引劉向云謂濫於蒼龍之體不獨

加大火左傳杜註云大辰房心尾也大火謂之大辰

者左氏襄九年傳云古之火正或食于心是故心為

大火公羊昭十七年傳云大火為大辰伐為大辰北  
 辰亦為大辰鄉飲酒義云參之以三光鄭註三光三  
 大辰也龍為至天駟○正義詩疏引孫炎云龍為  
 天馬故房四星謂之天駟郭註本孫炎史記索隱引  
 詩汜歷樞云房為天馬主車駕宋均云房既近心為  
 明堂又別為天府及天駟也鄭註周禮引孝經說曰  
 房為龍馬史記正義云房星君之位亦主左驂亦主  
 良馬故為駟王者恒祠之是馬祖也○龍星至大辰  
 ○正義左傳疏引李巡云大辰蒼龍宿之體最為明  
 故曰房心尾也後漢書註引孫炎云龍星明者以為  
 時侯故曰大辰郭註本孫炎夏小正云八月辰則伏  
 辰也者房心也伏也者入而不見也○大火至主焉  
 ○正義公羊疏引李巡云大火蒼龍宿之心以候西  
 時故曰太辰又引孫炎云大火心也其中最明故時  
 候主焉郭註本孫炎堯典云日中星火以正仲夏夏  
 小正云五月初昏大火中左氏昭三年傳云火中寒  
 暑乃退杜註心以季夏昏中而暑退季冬旦中而寒  
 退圃風云七月流火毛傳火大火也流下也鄭箋大

火者寒暑之候也。火星中而寒暑退。唐虞夏皆五月昏火中，故堯典與夏小正合。周則六月昏火中，七月西流，故幽風左傳與月令合。後世歲差之法，權輿於此。火出在三月，故昭十七年傳云：「火出於夏為三月於商為四月，於周為五月，是也。」九月之昏，火始入十月之昏，則伏。故周語云：「火見而清風戒，寒哀十二年傳云：「火伏而後蟄者畢，是也。」夏官司耀云：「季春出火，季秋內火，襄九年傳云：「以出內火，古者視火星之見，伏以行火政焉。」莊二十九傳云：「火見而致用，昭四年傳云：「火出而畢賦。」周語云：「火之初見，期於司里，是因火行而修庶政也。」心星色明而易識，故詩屢言三星。鄭箋以為心星也。大火為大辰，亦謂之辰。昭元年傳云：「遷闕伯于商，正主辰，商人是因故辰為商星十七年傳云：「宋大辰之虛也。」晉語云：「君之行歲在大火，若以辰出而以參入，必獲諸侯。」韋註：「辰大火也。」月令章句云：「自亢入度至尾四度，謂之大火之次分野畧。」例云：「於辰在卯為大火，東方為木。」心星在卯，火出木星，故曰大火。

析木之津箕斗之間漢津也

津梁

**正義**律書云箕者言萬物根棋故曰箕箕四星

雅巷伯云哆兮侈兮成是南箕鄭箋箕星哆然踵狹

而舌廣孔疏云箕四星二為踵二為舌若使踵本太

狹舌雖小寬不足以為箕由踵之二星已哆然而大

舌又益大所以成爲箕也大東云維南有箕不可以

簸揚又云維南有箕載翁其舌鄭箋翁猶引也引舌

者言上星相近洪範云星有好風大宗伯謂之觀師

卽箕星也斗六星重列如北斗故天官書云南斗爲

廟其北建星建星者旗也月令云仲冬之月日在斗

仲春之月旦建星中孟秋之月昏建星中以建星識

南斗所在也漢者夏小正云七月漢案戶漢也者天

漢也案戶也者直戶也言正南北也大東云維天有

漢監亦有光鄭箋漢天河也有光而無所明大雅棫

樸云倬彼雲漢爲章于天雲漢云倬彼雲漢昭回于

天鄭箋雲漢天河也倬然天河水氣也精光轉運於

天左氏昭十七年傳云漢水祥也析木之津者昭七年傳云今在析木之津杜註箕斗之間有天漢故謂之析木之津周語云日在析木之津韋註津天漢也析木次名從尾十度至斗十一度為析木其間為漢津分野畧例云自尾十度至南斗十一度於辰在寅為析木尾東方木宿之末斗北方水宿之初次在其間隔別水木故曰析木諸本俱作析木謂之津郭註云即漢津也案左傳疏引爾雅釋天云析木之津箕斗之間漢津也是舊本無謂字郭註亦係後人所增今刪正

**語**箕龍至津梁。

**正義**箕龍尾者東方蒼龍七宿角亢氏房心尾箕箕居其末也斗南斗者所以別於北斗也天漢之津梁者左傳疏引孫炎云析別水木以箕斗之間是天漢之津也劉炫謂是天漢即天河也天河在箕斗二星之間箕在東方木位斗在北方水位分析水木以箕星為隔隔河須津梁以渡故謂此次為析木之津也不言析水而言析木者此木者有建星及牽牛焉建星在南斗北與牽牛並為

水宿故為析木之次所及也

星紀斗牽牛也正義牽牛斗者日月五星之所終始故謂

之星紀也正義律書云牽牛者言陽氣牽引萬物出之也牛者昌也言地雖凍能冒而生也牛者耕

植種萬物也牛六星腹下蹏廢角上岐天官書云牽

牛為犧牲月令云季春之月旦牽牛中仲秋之月昏

牽牛中星紀者左氏襄二十八年傳云歲在星紀孔

疏謂星紀為斗牛之次是也分野畧例云自南斗十

二度至須女七度於辰在丑為星紀星紀者言其統

紀萬物十二月之位萬物之所終始故曰星紀也正義

牽牛至星紀也正義左傳疏引孫炎云星紀日月五

星之所終始也故謂之星紀郭註本孫炎逸周書周

月解云日月俱起于牽牛之初右回而行月周天進

一次而與日合宿日行月一次而周天歷會于十有

二辰終而復始是謂日月權輿蓋周時冬至日在牽

牛為星紀之中則斗植星紀之初用是為十二次紀



首故曰星紀然唐虞冬至日在虛為元枵正中不在  
斗牽牛也十二次之名蓋定自周人故鄭註月令云  
仲冬者日月會於星紀劉逵吳都賦註云斗者日月  
五星之所經始故謂之星紀大宗伯疏引星備云五  
星初起牽牛困學紀聞引河圖括地象云天左動始  
於牽牛尸子云天左舒而起牽牛漢書律厯志云斗  
綱之端指牽牛之初以紀日月故曰星紀五星起其  
初日月起其中此据周制而推言星紀之義也自元  
以來冬至日在箕  
為析木之津正中

平枵虛也

**註**

虛在正北北方色黑枵之言耗耗亦虛意

顓頊之虛虛也

**註**

顓頊水德位在北方北陸虛也

**註**

虛星之名凡四

**正義**

律書云虛者能實能虛言陽氣

一陽上舒故曰虛虛二星上下如連珠天官書虛為  
哭泣之事堯典云宵中星虛月令云季秋之月昏虛

中唐虞仲秋昏虛中周秦之際虛中在季秋後世所  
 謂歲差也元枵為虛者左氏襄二十八年傳云淫於  
 元枵元枵虛中也枵拜名也分野畧例云自須女八  
 度至危十五度於辰在子為元枵也元者黑北方之  
 色枵者耗也十一月之時陽氣在下陰氣在上萬物  
 幽死未有生者天地空虛故曰元枵也顓頊之虛為  
 虛者昭十年傳云今茲歲在顓頊之虛杜註顓頊之  
 虛謂元枵是也北陸為虛者昭四年傳云古者曰在  
 北陸而藏冰杜註陸道也謂夏十二月日在虛危疏  
 引孫炎云陸中也北方之宿虛為中也**正義**虛在至虛  
 意○**正義**左傳疏引孫炎云虛在正北北方色元故  
 曰元枵枵之言耗耗虛之意也郭註本孫炎說文引  
 春秋傳云歲在元枵元枵虛也蓋增損襄二十八年  
 傳文兼取爾雅之訓○顓頊至北方○**正義**左傳疏  
 云北方之次以元枵為中元枵次有三宿又虛在其  
 中以水位在北顓頊居之故謂元枵虛星為顓頊之  
 虛也○虛星之名凡四○**正義**郭意以元枵顓頊之  
 虛北陸為虛星之名故連虛星而為名凡四其實元

枵顛項之虛皆次名也亦謂之天鼇周語云日在天  
鼇又云出自天鼇韋註天鼇次名一曰元枵是也北  
陸者四陸之一也古以星紀日月之行分爲四象亦  
謂之四陸曲禮云前朱鳥而後元武左青龍而右白  
虎淮南兵畧訓所謂天數者左青龍右白虎前朱雀  
後元武是爲列宿之四象合諸左傳日在北陸及西  
陸朝覲之文是四陸卽四象也角亢氐房心尾箕爲  
東方青龍之宿奎婁胃昴畢觜鱗參爲西方白虎之  
宿皆南首而北尾井鬼柳星張翼軫爲南方朱鳥之  
宿斗牛女虛危營室東壁爲北方元武之宿皆西首  
而東尾爾雅舉北陸西陸以槩東南又於七宿之中  
各舉一星爲識虛爲北方之宿故云北陸虛也昴爲  
西方之宿故下文云西陸昴也

營室謂之定

**註**

定正也作宮室皆以營室之中爲正姬

觜之口營室東辟也

**註**

營室東辟星四方似口因名

云正義律書云營室者主營胎陽氣而產之室二星  
 相對出離宮六星三向列天官書云營室為清廟  
 日離宮閣道東壁二星上下相掣曳月令云孟春之  
 月日在營室仲冬之月昏東壁中營室謂之定者鄭  
 風云定之方中毛傳定營室也方中昏正四方鄭箋  
 定星昏中而正於是可以營制宮室故謂之營室定  
 昏中而正謂小雪時其體與東壁連正四方周語云  
 營室之中土功其始韋註建亥小雪之中定星昏正  
 於午土功可以始也又謂之天廟周語云日月底于  
 天廟韋註天廟營室也孟春之月日月皆在營室案  
 國語謂孟春日在營室與月令同然月令於孟冬言  
 昏危中仲冬言昏東壁中不言昏營室中者營室在  
 危東壁之間孔穎達謂室十六度日行一度是十月  
 半而室中十一月初而壁中也娠訾之口為營室東  
 壁者左氏襄三十年傳云歲在陬訾之口疏引李巡  
 云娠訾元武宿也營室東壁北方宿名鄭註輸人云  
 營室元武宿與東壁連體而四星賈疏云營室是北  
 方七宿室在東壁在西壁而言東壁者據十月在

南方壁在東故云東壁也。厥訾亦謂之豕韋。昭十一年傳云歲在豕韋是也。分野畧例云自危十六度至奎四度於辰在亥為厥訾。訾歎息也。十月之時陰氣始盛，陽氣伏藏，萬物失養，育之氣故哀愁而歎悲。嫌於無陽，故曰訾。訾釋文定作頡。定正至為正。○  
**正義**詩疏引孫炎云定正也。天下作宮室者皆以營室中為正。郭註本孫炎左氏莊二十九年傳云水昏正而栽，杜註謂今十月定星昏而中於樹板幹而興作。孔疏五行北方水，故北方之宿為水星。○營室至名云。○**正義**左傳疏引孫炎云，厥訾之歎則口開方營室東壁四方似口，故因名云。郭註本孫炎釋文云辟本又作壁，此星有人居之角象宜為壁。

降婁奎婁也

**註**奎為溝瀆故名降

**正義**律書云奎者主毒螫殺萬物也。奎而

藏之婁者呼萬物且內之也。奎十六星旁殺而下垂。天官書云奎日封豕為溝瀆。婁三星下勢連而上體舒。天官書云婁為聚眾月令云仲春之月日在奎。季夏之月日在奎。中秋之月昏婁中降。婁為奎婁者左

氏襄三十年傳云歲在降婁降婁中而旦杜註降婁  
 奎婁也周七月今五月降婁中而天明衆經音義引  
 李巡云降婁白虎宿也分野畧例云自奎五度至胃  
 六度於辰在戌為降婁降下也婁曲也陰生於午與  
 陽俱行至八月陽遂下九月剝卦用事陽將剝盡萬  
 物枯落卷縮而死故曰降婁註奎為至名降。正義  
 左傳疏引孫炎云降下也奎為溝瀆  
 故稱降也孫郭俱本天官書為義

大梁昴也西陸昴也註昴西方之宿別名旄頭正義律  
 書云留

者言陽氣之稽留也故曰留小星毛傳云昴留也疏  
 引春秋元命包云昴之為言留也言物成就繫留也  
 昴七星攢聚鉅繫小天官書云昴為髦頭名南云維  
 參與昴鄭箋亦以昴為留也大梁為昴者左氏昭十  
 一年傳云歲及大梁天官書云昴畢之間為天街索  
 隱引孫炎云畢昴之間日月五星出入要道若津梁  
 分野畧例云自胃七度至畢十一度於辰在酉為大  
 梁昴為大梁之次之中星也西陸為昴者左氏昭四

年傳云西陸朝覲而出之說文云昴白虎宿星詩疏引鄭康成云四月昴則見左傳疏引鄭志荅孫皓問云西陸朝覲謂四月立夏之時周禮夏頒冰是也服虔謂春分奎晨見杜預謂三月奎朝見劉光伯云三說鄭為近之昴為西陸也詩疏引孫炎云西方之宿昴為中是郭註所本也西

濁謂之畢

**蓋**

掩免之畢或呼為濁因星形以名

**正義律**書云濁

志俱作旄頭

志晉書天文志俱作旄頭又名旄頭者史記作髦頭漢書天文志俱作旄頭

者觸也言萬物皆觸死也畢八星累貫兩叉出故天官書云畢曰罕車為邊兵主弋獵詩疏引李巡云濁陰氣濁起陽氣必止畢止也李木濁作囅其義與律書畧同月令云孟夏之日在畢孟秋之日在畢中畢星大宗伯謂之雨師洪範云星有好雨謂畢星也故小雅漸漸之石云月離于畢俾滂沱矣毛傳畢躅

也是濁本或作躡註掩免至以名○正義小雅大東

云有挾天畢毛傳畢所以掩免者鄭箋祭器有畢所

以助載鼎實孔疏云挾長貌此言畢之長也鴛鴦曰

畢之羅之月令禁羅網畢翳無出國門是田器有畢

也特牲饋食禮云宗人執畢是祭器有畢也彼註云

畢狀如又蓋為其似畢星取名焉掩免祭器之畢俱

象畢星為之孫毓云祭器之畢狀如畢星名象所出

也畢弋之畢又取名焉而因施網于其上義得兩通

案史記索隱引孫炎云掩免之畢或呼為濁因名星

孫炎之意以制器先有定稱星名由於後起然古人

觀象以制器未聞因器以名象也郭氏謂因星形以名較孫義為長

味謂之柳註味朱鳥之口柳鶉火也註鶉鳥名火屬南

方正義律書云注者言萬物之始哀陽氣下注故曰

鳥注主木草索隱云漢書天文志注作味爾雅云鳥

味謂之柳孫炎云味朱鳥之名柳其星聚也以注為



柳星故主草木也月令云季夏之月日在柳季秋之  
月旦柳中味謂之柳者召南小星云三五在東毛傳  
以爲三心五噉疏引元命包云柳五星味本作噉或  
作喙柳爲鶉火者左氏僖五年傳云鶉之賁賁天策  
焯焯火中成軍杜註鶉鶉火星也言丙子平旦鶉火  
中襄九年傳云古之火正或食於味是故味爲鶉火  
杜註火正之官配食於火星建辰之月鶉火星昏在  
南方昭八年傳云歲在鶉火分野畧例云自東井中  
六度至柳八度於辰在未爲鶉首南方七宿其形象  
鳥以井爲冠以柳爲口鶉鳥也首頭也故曰鶉首自  
柳九度至張十七度於辰在午爲鶉火南方爲火言  
五月之時陽氣始隆火星昏中在朱鳥之處故曰鶉  
火誦味朱鳥之口。正義說文云味鳥口也左傳疏  
引春秋緯文耀鉤云味爲鳥陽七星爲頸宋均註云  
陽猶首也柳謂之味味鳥首也七星爲朱鳥頸也味  
與頸共在於午者鳥之止宿口屈在頸七星與味體  
相接連故也是朱鳥之口象其止宿之形也正義  
作朱鳥之名今從宋本改正。鶉鳥至南方。

正義

考工記斲人云鳥旗七旂以象鶉火也鶉火朱鳥宿  
 之柳其屬有星星七星郭云鶉鳥名者以南陸三次  
 日鶉首曰鶉火日鶉尾皆取象於鳥形也火屬南方  
 者以鶉火居南陸三次之中柳星居鶉火之首故七  
 星為柳之屬爾雅舉鶉火以該南陸  
 之三次舉柳星以該南官之七星也

北極謂之北辰

**註**

北極天之中以正四時

**正義**

論語云

其所而眾星共之北辰北極也諸儒釋北辰者多異  
 說繫辭傳云易有太極釋文引馬融云北辰也易言  
 太極是生兩儀不得謂北辰能生兩儀則馬說非也  
 周禮疏引爾雅北極謂之北辰鄭註云天皇北辰耀  
 魄實是天上帝之號也康成引緯書六天帝之號  
 後儒多所不從爾雅載北極於星名則不得以為天  
 帝之號也天官書云中官天極星其一明者太極常  
 居也索隱引爾雅為證此以紫微星為北辰也公羊  
 昭十六年傳云北辰亦為大辰何休註迷惑不知東  
 西者須視北辰以別心伐疏引春秋說云北者高也

極者藏也言太一之星高居深藏故名北極也此本  
天官書而小變其說後儒謂北極不可見識小星  
以為辨本於公羊疏也北辰有其所若歸諸元氣指  
為帝號則無其所北辰居其所若以為星象星隨時  
而旋轉則無定居屈原天問云斡維焉繫天極焉加  
戴氏註云天極論語所謂北辰周髀所謂正北極步  
算家所謂不動處亦曰赤道極是左旋之極日月五  
步各有一極曰黃道極周髀所謂北極璿璣環繞  
正北極者也月與五步之極又環繞璿璣者也是皆  
為右旋之極爾雅約舉二十二舍十二次而繼以北  
辰者以其為眾星所拱也註北極至四時。正義公  
羊疏引李巡云北極天心居北方正四時謂之北辰  
孫炎云北極天之中以正四  
時謂之北辰郭註本孫炎

何鼓謂之牽牛註今荆楚人呼牽牛星為檐鼓檐者荷

也正義此釋何鼓亦名牽牛所以別於星紀之牽牛  
也天官書云牽牛其北河鼓河鼓大星上將左右

左右將正義謂河鼓三星在牽牛北是也爾雅此文正今雅大東  
 云皖彼牽牛不以服箱毛傳用爾雅此正今荆至  
 荷也。正義郭引時諺為證今南方農家暑月占驗  
 猶呼此星為扁檐因星形以為名也檐訓為荷者漢  
 碑負檐俱作檐說文云檐何也何通作荷詩疏引孫  
 炎云何鼓之旗十二星在牽牛之北或名為何鼓亦  
 名為牽牛案天官書云東北曲十二星曰旗正義云  
 兩旗者左旗九星在河鼓左也右旗九星在河鼓右  
 也孫氏知何鼓亦名牽牛非星紀之牽牛但以河鼓  
 左右之旗誤指為何鼓殊不知何鼓祇三星中豐而  
 兩頭銳下故其象為荷檐若兩旗則十二星今測得  
 十八星非何鼓也詩疏又引李巡云何鼓牽牛皆二  
 十八宿名也李氏誤以何鼓牽牛為二星既傳合於  
 星紀又以何鼓為二十八宿名前人說二十八宿者  
 雖有異名未聞有何鼓也上考天官  
 書下參農諺惟郭氏之註能覈其實

明星謂之启明註太白星也晨見東方為启明昏見西

方為太白

**正義**此釋五緯之金星也小雅大東云東有爛明星即啓明謂金星也史記索隱引韓詩云太白謂之長庚或謂之太皞

太白至太白○**正義**毛傳曰旦出謂明星為啓明日既入謂明星為長庚疏引孫炎云明星太白也出東方高三舍命曰明星昏出西方高三舍命曰太白是郭註所本也孔穎達不知長庚是何星後儒臆說有以水星為長庚者當從韓詩廣雅長庚即太白也

亦謂之孛言其形孛孛似掃彗

**正義**此

異也春秋彗星三見文十四年有星孛入于北斗公羊傳云孛者何彗星也穀梁傳云孛之為言猶第也昭十七年有星孛于大辰左傳云彗所以除舊布新也哀十三年有星孛于東方公羊傳云其言于東方何見于旦也彗星為橈槍者天官書云天棊長四尺未兌彗星長二丈類彗天橈長四丈未兌天槍長數

彗星為橈槍

**註**

亦謂之孛言其形孛孛似掃彗

**正義**

此

丈兩頭兌正義云天彗者一名掃星本類星末類彗  
 小者數寸長長或竟天而體無光假日之光故夕見  
 則東指晨見則西指若日南北皆隨日光而指註亦  
 謂至掃彗○正義釋名云彗星光梢似彗也彗星星  
 旁氣孛孛然也義與郭同衆經音義引孫炎云妖星  
 也四日彗孫意以攬槍棊彗四者皆為妖星也漢書  
 天文志云攬槍棊彗雖異其殃一也

奔星為約

註

流星

正義

星之奔流者為約言其星

行如流水也漢書註引應劭云攬槍  
 奔星也以流星為攬槍非雅義也

星名

正義

題上事也說文云彙萬物之精上為

也宿宿也星各止宿其處也春官馮相氏掌  
 二十有八星之位秋官誓族氏以方書二十  
 有八星之號鄭註星謂從角至軫也二十八  
 星在周宜有定名然舊說多互異月令所載

二十六星益以建弧而無箕昴鬼張史記歷  
書備二十八星之號有建罰狼弧而無斗觜  
井鬼淮南天文訓云二十八宿中央其星角  
亢氏東方其星房心尾東北其星箕斗牽牛  
北方其星須女虛危營室西北其星東壁奎  
婁西方其星胃昴畢西南方其星觜嚙參東  
井南方其星輿鬼柳七星東南方其星張翼  
軫漢書歷志星名與淮南同蓋天文家相傳  
之說故後人多從之鄭註所謂從角至軫也  
爾雅於二十八星祇述十七星其未舉者北  
方之宿則須女也危也西方之宿則胃也觜  
也參也南方之宿則東井也輿鬼也七星也  
張也翼也軫也十有二次祇言其九其未舉  
者實沈也鶉首也鶉尾也五星祇言其一所  
未舉者歲星曰東方木熒惑曰南方火填星  
曰中央土辰星曰北方水爾雅以釋六執之  
天文有不備可以類推春官保章氏掌天星  
以志星辰日月之變動以觀天下之遷辟其

吉凶以星土辨九州之地所封封域皆有分  
 星以觀妖祥先鄭說星土以春秋傳曰參為  
 晉星商主大火國語曰歲之所在則我有周  
 之分野之屬是也後鄭謂大界則曰九州州  
 中諸國中之分域於星亦有分焉其書亡矣  
 堪輿雖有郡國所入度非古數也今其存可  
 言者十二次之分也星紀吳越也元枵齊也  
 娵訾衛也降婁魯也大梁趙也實沈晉也鶉  
 首秦也鶉火周也鶉尾楚也壽星鄭也大火  
 宋也析木燕也此分野之妖祥主用客星彗  
 孛之氣為象爾雅兼及於彗星奔星者垂象  
 所以見吉凶辨其名以驗其行俾知宿離不  
 貸毋失經紀也然天道遠人事邇觀人事可  
 以知天道辨星名者尤重於授民時淮南主  
 術訓云皆張中則務種穀大火中則種黍菽  
 虛中則種宿麥昂中則收歛畜積伐薪木高  
 誘註三月昏張星中於南方張南方朱鳥之  
 宿也大火東方蒼龍之宿四月建巳中在南



方虛北方元武之宿八月建酉中於南方也  
昂星西方白虎之宿也季秋之月收斂畜積  
也此据堯典而言今時農家作息多取驗於  
星但因象命名詞不雅馴耳火流而戒寒昂  
中而趨斂古今無異義也史記索隱引爾雅  
須女謂之婺女熒惑謂之執法今爾雅無此  
文蓋索隱引星經  
傳寫誤作爾雅

春祭曰祠註祠之言食夏祭曰禘註新菜可汜秋祭曰

嘗註嘗新穀冬祭曰蒸註進品物也

正義此釋四時之祭也春官大

宗伯曰以祠春享先王以禴夏享先王以嘗秋享先  
王以烝冬享先王春秋繁露四祭篇云古者歲四祭  
四祭者因四時所生孰而祭其先祖父母也故春曰  
祠夏曰禘秋曰嘗冬曰蒸此言不失其時以奉祭先  
祖也過時不祭則失為天子之道也祠者以正月始  
食非也禘者以四月食麥也嘗者以七月嘗黍稷也

蒸者以十月進初稻也此天之經也地之義也祭義  
 篇云春上豆實夏上尊實秋上机實冬上敦實豆實  
 韭也春之所始生也尊實麴也夏之所受初也机實  
 黍也秋之所先成也敦實稻也冬之所畢孰也始生  
 故曰祠善其司也夏約故曰禱貴所受約也先成故  
 曰嘗嘗言甘也畢孰故曰蒸蒸言衆也奉四時所受  
 於天者而上之為上祭貴天賜且尊宗廟也王制云  
 天子諸侯之祭春日禱夏曰禘秋曰嘗冬曰蒸鄭註  
 此蓋夏殷之祭名周則改之春日禘夏曰禘以禘為  
 殷祭詩小雅曰禘祀蒸嘗于公先王此周四時祭宗  
 廟之名詩疏云周公去夏禘之名以春禘當之更名  
 春日禘故禘禘志云王制記先王之法度宗廟之祭  
 春日禘夏曰禘秋曰嘗冬曰蒸禘為大祭於夏於秋  
 於冬周公制禮乃改夏為禘禘又為大祭祭義註云  
 周以禘為殷祭更名春日禘是祠禘蒸嘗之名周公  
 制禮所改也易曰不如西鄰之禴祭鄭註為夏祭之  
 名則文王之時已改言周公者據制禮大定言之耳  
 註祠之言食。正義詩疏引孫炎云祠之言食衆經

音義引孫炎云祠食也是郭註所本也說文云春祭  
曰祠品物少多文詞也仲春之月祠不用犧牲用圭  
璧及皮幣太平御覽引白虎通云物微故祠名之何  
休公羊傳註云春薦尚非卯祠猶食也猶繼嗣也春  
物始生孝子思親繼嗣而食之也故曰祠因以別死  
生。新菜可灼。禮記疏引孫炎云灼者新菜  
可灼郭註本孫炎說文云灼夏祭也太平御覽引白  
虎通云夏日禴者麥熟進之何休云夏薦尚麥魚始  
熟可灼故曰禴釋文云灼燂菜也。嘗新穀。禮記疏引白  
詩疏引孫炎云嘗嘗新穀郭註本孫炎禮記疏引白  
虎通云嘗者新穀熟而嘗之何休云秋薦尚黍豚嘗  
者先辭也秋穀成者非一黍先熟可得薦故曰嘗。  
進品物也。禮記疏引孫炎云烝進也進品物  
也是郭註所本也太平御覽引白虎通云烝之爲言  
衆也冬之物成者衆何休云冬薦尚稻雁蒸衆也  
氣盛貌冬萬物畢成所薦衆多芬芳備具故曰蒸

祭天曰燔柴

**禮**

既祭積薪燒之祭地曰瘞

**禮** 既祭埋

藏之

**正義** 觀禮云祭天燔柴祭地瘞祭法云燔柴於泰壇祭天也瘞埋於泰折祭地也祭天曰燔柴

者說文柴作崇云燒崇焚燎以祭天神春官大宗伯

云以禋祀祀昊天上帝以實柴祀日月星辰以燂燎

祀司中司命觀師兩師鄭註禋之言煙周人尚臭煙

氣之臭聞者燂積也詩曰芃芃棫樸薪之櫛之三祀

皆積柴實牲體焉或有玉帛燔燎而升煙所以報陽

也鄭司農云實柴實牛柴上也太祝辨九祭之名謂

之炮祭鄭司農云炮祭燔柴也祭地曰瘞瘞者釋言

云瘞幽也藹塞也春官司巫云凡祭祀守瘞鄭註瘞

謂若祭地祇有理性玉者也守之者以祭禮未畢若

有事然祭禮畢則去之**正義** 既祭至燒之**正義** 書釋

文引馬融云祭時積柴加牲其上而燔之後漢書註

云天高不可達故燔柴以祭之庶高煙上達也是祭

時卽行燔柴之禮郭云既祭積薪燒之統前後而言

也。既祭埋藏之。**正義** 詩疏引李巡云祭地以玉

埋地中曰瘞埋孫炎云瘞者翳也既祭翳藏地中也

鄭註禮運云埋牲曰瘞是祭畢埋藏牲玉覆之以土

故孫炎又云祭畢埋之顏師古漢書註云埋其物者示歸於地也

祭山曰廢縣註或廢或縣置之於山山海經曰縣以占

玉是也祭川曰浮沉註投祭水中或浮或沉註禮云祭

山正陵升祭川沉賈疏升即廢縣也言沉不言浮者

亦文畧也大宗伯以貍沈祭山川澤鄭註祭山林

曰埋祭川澤曰沈祭山曰廢縣者公羊疏引李巡云

祭山以黃玉以璧以廢置几上遙遙而軼之若縣故

曰廢縣孫炎云埋於山足曰廢埋於山上曰縣如孫

氏所說覲禮所謂升者謂其縣也大宗伯所謂貍者

謂其廢也爾雅合而言之故曰廢縣祭川曰浮沉者

尚書大傳云沉四海鄭註沉祭名左氏襄十八年傳

云沈玉以濟昭二十四年傳云王子朝以成周之寶

圭湛於河顏師古云以祭川也湛讀曰沉定三年傳

云執玉而沈是祭川用玉也夏官小子云凡沈辜侯

禳飭其牲鄭司農云沈謂祭川是祭川有牲也祭川

禮記卷之七 卷之七 禮記卷之七

並用牲王故或沈或浮或廢至是也。郭意  
 互用李孫之說亦當以廢縣為埋也詩疏引鄭志云  
 張逸問曰以血祭祭五嶽以豕沈祭山川不審五嶽  
 亦當埋否答曰五嶽尊祭之從血腥始何嫌不埋又  
 釋天云祭山曰廢縣不言埋張逸亦引以問鄭答云  
 爾雅之文雜非一家之註不可盡據以難周禮是鄭  
 知祭五嶽有埋而於爾雅所謂廢縣未遠定為埋也  
 案史記正義引孔文詳云宋末會稽修禹廟於廟庭  
 山土中得五等圭璧百餘枚形與周禮同皆短小此  
 卽禹會諸侯於會稽執以禮山神而埋之其壁今猶  
 存在也如孔文詳所言則祭山埋玉確有證驗則爾  
 雅所謂廢縣卽周禮所謂豕可無疑其文雜而相難  
 矣山海經曰縣以吉玉者中山經文郭氏彼註云縣  
 祭山之名。投祭至或沉。正義公羊疏引孫炎云  
 置祭於水中或浮或沉故曰浮沉是郭註所本也史  
 記河渠書云寧長菱兮湛美玉封禪書云河湫漢水  
 加玉各二是漢  
 時祭川用玉也

祭星曰布註布散祭於地祭風曰磔註今俗當大道中

磔狗云以止風此其象正義祭星曰布者釋文引李

曰布埤雅引釋名云祭星曰布布取其象之布也今

本釋名無此文祭法云幽宗祭星也鄭註宗當為禁

字之誤也幽禁亦謂星壇也星以昏始見禁之言營

也祭風曰磔者說文云磔禳祀除厲殃也公羊疏引

李巡云祭風以牲頭蹄及皮破之以祭故曰磔孫炎

云既祭披磔其牲以風散之鄭司農註夏官小子云

辜謂磔牲以祭也月令曰九門磔禳以畢春氣註布

散祭於地正義公羊疏引孫炎云既祭布散於地

似星布列也釋文云指謂敷列羅布也今俗至其

象正義鄭司農註大宗伯云罷辜披磔牲以祭若

今時磔狗祭以止風賈疏云此舉漢法以況驅辜為

磔之義必磔狗止風者狗屬西方金制東方木之風

故用狗止風也封禪書云秦德公作伏祠磔狗邑四

門以禦蠱案於文皿蟲為蠱蟲生於風秦制是祭

風之遺制也郭引時俗為證則晉世猶存古制

是禴是禡師祭也師出征伐類於上帝禡於所征之

地正義此引大雅皇矣之文而釋之也說文云禴以

日禡今本毛詩作是類毛傳云於內曰類於野曰禡

類者祭天神之名虞書云肆類于上帝詩疏引夏侯

歐陽說以事類祭之在南方就南郊祭之肆師云類

祀而為之者是祭上帝為類也小宗伯云四類亦如

之後鄭云四類日月星辰運行為類也小宗伯云凡天地之大

是祭日月星辰亦為類也鄭云禱祈禮輕類者依其

正禮而為之是祭社稷宗廟亦為類也說文所謂以

事類祭也出師亦祭上帝故太祝掌六祈以同鬼神

元一曰類先鄭引爾雅師祭為釋司馬法曰將用師

乃告于皇天上帝是祭上帝於郊尚未至所征之地



故毛傳謂在內曰類也。禡者鄭註王制云禡師祭也。爲兵禱其禮亦亡肆師云祭表貉則爲位後鄭云貉師祭也。貉讀爲千百之百於所立表之處爲師祭造軍灋者禱氣勢之增倍也。其神蓋蚩尤或曰黃帝又甸祝掌四時之田表貉之祝號杜子春讀貉爲百爾所思之百書亦或爲禡兵祭也。甸以講武治兵故有兵祭後鄭云田者習兵之禮故亦禡祭禱氣勢之十百而多獲周禮以禡爲祭聲之轉也。應劭漢書註云至所征伐之地表而祭之謂之禡。禡者馬也。馬者兵之首故祭其先神也。案應氏以禡爲祭馬神以禡字從馬而爲義耳。然下文自伯既禡方是馬祭禡爲師祭不當專屬於馬。韋昭辨釋名云馬武也。詩序云桓講武類禡也。桓武志也。因講武而類禡則禡爲祭造軍法者是也。師出至之地。正義王制云天子將出征類乎上帝禡於所征之地。郭氏約舉其文也。孔疏類者以事類告天若以攝位事類告天亦謂之爲類。若以巡守事類告天亦謂之爲類。故異義古尚書說非時祭天謂之類。許慎謹案周禮郊天無言類者

知類非常祭從古尚書說鄭氏無駁與許同也

既伯既禱馬祭也

**說**

伯祭馬祖也將用馬力必先祭其

先

**正義**

此引小雅吉日之文而釋之也毛傳云伯馬

獲也夏官校人云春祭馬祖夏祭先牧秋祭馬祖冬

祭馬步鄭註馬祖天駟也孝經說日房為龍馬先牧

始養馬者馬祖始乘馬者馬步神為災害馬者詩疏

云四時各有所為祭之馬祖祭之在春其常也而將

用馬力則又用彼禮以禱之知伯是馬祖者為馬而

祭故知馬祖謂之伯伯者長也馬祖始是長也釋星

禘大祭也

**說**

五年一大祭

**正義**

說文云禘禘祭也續漢

志引張純云禘之言諦也是

審諦之義以夏四月陽氣在上陰氣在下故正尊卑

之義是禘祭所由命名也禘禮助自上古魯語云有

虞氏禘黃帝而祖顓頊與郊竝重故爲大祭夏殷四  
時之祭夏祭亦稱禘故王制云夏曰禘至五年一祭  
則謂之大禘商頌序云長發大禘也所以別於夏禘  
也周改夏時祭曰禘以禘爲大祭周頌序云雖禘太  
祖也鄭箋禘大祭也鄭註禮記謂之殷祭殷者大也  
喪服小記云王者禘其祖之所自出以其祖配之大  
傳云禮不王不禘王者禘其祖之所自出以其祖配  
之通典引禘禘志云太王王季以上遷祭於后稷之  
廟其坐位與禘祭同文武以下遷主若穆之遷主祭  
於文王之廟文王居室之與東而文王孫成王居文  
王之東而北面以下穆王直至親盡之祖以次繼而  
東皆北面無昭主若昭之遷主祭於武王之廟武王  
亦居室之與東面而其昭孫康王亦居武王之東而  
南面亦以次繼而東直至親盡之祖無穆主其尸后  
稷廟中后稷尸一昭穆尸各一文王廟中尸一穆尸  
共一武王廟中武王尸一昭尸共一逸禮記禘於太  
廟禮云毀廟之主皆升合食而立二尸韓詩內傳云  
禘取毀廟之主皆升食於太廟是也先儒釋大祭之

義者王肅引論語孔子曰禘自既灌而往者吾不欲  
 觀之矣所以特禘者以禘大祭故欲觀其成禮也袁  
 準引國語曰禘郊不過廟栗烝不過把握明禘最大  
 與郊同也鄭箋以為禘大於四時而小於禘也杜佑  
 云聖人制禮合諸天道使不數不怠故有四時之祭  
 焉而又設殷祭者因天道之成以申孝敬之心用盡  
 事終之禮禘禘二禮俱是大祭又鄭註禮記郊祭亦  
 名禘爾雅所記大祭則專主宗廟之祭下文云釋又  
 祭也是為祭於祖廟不指郊天而言禮五年一大祭  
 也禮公羊疏引孫炎云禘五年大祭也是郭註所  
 木也說文引周禮曰五年一禘蓋禮緯之文公羊文  
 二年傳云五年而再殷祭何休註殷盛也謂三年禘  
 五年禘禘所以異於禘者功臣皆祭也禘猶合也禘  
 猶諦也審諦無所遺失周制三年喪畢禘祭之後乃  
 禘於太祖亦謂之吉禘春秋閔二年吉禘于莊公禮  
 記疏引賈逵云禘者遞也審諦昭穆遷主遞位孫居  
 王父之處也禘之明年春禘於羣廟爾後五年再殷  
 祭一禘一禘因以法五年再闋天道大成也禮記疏

又引禘祫志云春秋僖公三十三年十二月薨文公二年八月丁卯大享於太廟公羊傳云大享者何祫也是三年喪畢新君二年當祫明年春禘於羣廟僖公宣公八年皆有禘則後禘去前禘五年以此定之則新君二年祫三年禘自爾之後五年而再殷祭則六年當祫八年當禘又昭公十年齊歸薨至十三年喪畢當祫為平邱之會冬公如齊至十四年祫十五年禘傳云有事武宮是也至十八年祫二十年禘二十三年祫二十五年禘昭公二十五年有事於襄宮是也五年之禘其時以夏詩疏引崔靈思云禘以夏者以審諦昭穆序列尊卑夏時陽在上陰在下尊卑有序故大次第而祭之故禘者諦也第也

釋又祭也註祭之明日尋釋復祭周曰釋註春秋經曰壬午猶釋商曰彤註書曰高宗彤日夏曰復昨註未

見義所出正義此釋釋為復祭因以別三代之異名禘之名有虞三代同之釋祭則三代各自

禮記卷之三十一 祭義 三十一

為名也。○釋又祭也。○祭之來日又祭謂之釋又謂  
 之賓尸又謂之祔周頌序云絳衣釋賓尸也鄭箋釋  
 又祭也天子諸侯曰釋以祭之明日卿大夫曰賓尸  
 與祭同日何休公羊註云禮釋祭昨日事但不灌地  
 降神爾天子諸侯曰釋大夫曰賓尸士曰奠尸去事  
 之殺也必釋者尸屬昨日配先祖食不忍輒忘故因  
 以復祭禮則無有誤敬慎之至詩疏云今少牢饋食  
 禮者卿大夫之祭禮也其下篇有司徹云若不賓尸  
 註云不賓尸謂下大夫也以言若不賓尸是對有賓  
 尸者有司徹所行即賓尸之禮是即大夫曰賓尸按  
 其禮非異日之事故知與祭同日然則天子諸侯謂  
 之釋卿大夫謂之賓尸是釋與賓尸事不同矣而序  
 云釋賓尸者釋祭之事主為賓事此尸但天子諸侯  
 禮大異日為之別為立名謂之為釋言其尋釋昨日  
 卿大夫禮小同日為之不別立名直指其事謂之賓  
 尸耳序言釋者是此祭之名賓尸是此祭之事故特  
 詳其文也是釋即賓尸也禮器云為祔乎外鄭註祔  
 祭明日之釋祭也謂之祔者以於廟門之傍因名焉

釋文釋本或作禱。周曰釋。何休公羊註云周曰  
釋釋者据今日道昨自不敢斥尊言之文意也楊士  
勛穀梁疏云謂之釋者釋陳昨日禮也。商曰彤。  
詩疏引孫炎云彤者亦相尋不絕之意何休云殷口  
彤彤者彤彤不絕据昨日道今日斥尊言之質意也  
賈公彥儀禮疏云彤者取彤彤祭不絕楊士勛云謂  
之彤者彤是不絕之意也。夏曰復昨。詩鄭箋及  
何休公羊註引爾雅俱無此句徐彥疏云諸家爾雅  
悉無此言郭本有之賈公彥云復昨者復昨日之昨  
祭楊士勛云謂之復昨者復前日之禮也釋文云昨  
本又作祚亦作昨福也昨祭肉也義竝同。註祭之至  
復祭。正義詩疏引李巡云明日復祭公羊疏引孫  
炎云祭之明日尋釋復祭郭註本孫炎。春秋至猶  
釋。正義宣八年經文公羊傳云釋者何祭之明日  
也穀梁傳云釋者祭之旦日之享賓也杜預左傳註  
云先日辛巳有事於太廟是也。書日至彤日。正  
義商書篇名案彤與融同融者明也故祭之明日為彤日

祭名

**正義**釋詁云禮祀祠蒸嘗禴祭也此又分釋其名也通典云先王制禮依四時而祭

者時移節變孝子感而思親故奉薦味以申孝敬之心慎終追遠之意祭義云霜露既降君子履之必有懷愴之心非其寒之謂也春雨露既濡君子履之必有休惕之心如將見之是四時之祭祭之本也以次及於諸大祭終於禘繹者取象於歲閏之相成日遠之相繼也故附見釋天

春獵為蒐

**註**搜索取不任者夏獵為苗**註**為苗稼除害

秋獵為獮

**註**順殺氣也冬獵為狩**註**得獸取之無所

擇

**正義**此釋四時之獵名也說文云獵收獵也逐禽也左傳疏引蔡邕月令章句云獵者捷取之名也

夏官大司馬云中秋教振旅遂以蒐田中夏教芟舍遂以苗田中秋教治兵遂以獮田中冬教大閱遂以



狩田蒐苗獮狩之名同於爾雅夏小正云十有一月  
王狩王狩者言王之時田冬獵曰狩是四時之田三  
代所同也公羊桓四年傳云春曰蒐秋曰蒐冬曰狩  
何休註苗毛也明當見物取未懷任者蒐簡擇幼穉  
取其大者狩猶獸也冬時禽獸長大遭獸可取不以  
夏田者春秋制也以爲飛鳥未去於巢走獸未離於  
穴恐傷害於幼穉故於苑囿中取之穀梁傳云四時  
之田皆爲宗廟之事也春曰田夏曰苗秋曰蒐冬曰  
狩左氏隱五年傳云春蒐夏苗秋獮冬狩皆於農隙  
以講事也三傳惟左氏與爾雅同孔疏云公羊傳三  
名旣與禮異又復夏時不田穀梁傳與禮異者良田  
微言旣絕曲辨妄生正明親受聖經故獨與禮合漢  
代古學不行明帝集諸學士作白虎通義因穀梁之  
文爲之生說曰王者諸侯所以田獵何爲苗除害上  
以共宗廟下以簡集士衆也春謂之田何春歲之本  
舉本名而言之也夏謂之苗何擇其懷任者也秋謂  
之蒐何蒐索肥者也冬謂之狩何守地而取之也四  
時之田總名爲田何爲田除害也案苗非懷任之名

何云擇去懷任秋獸盡皆不瘦何云蒐索取肥雖名  
通義義不通也故先儒皆依周禮左傳爾雅之文而  
為之說其名亦有為意焉雖復春獵獲則取之不能擇  
取不孕夏獵所取無多不能為苗除害為因時而變  
文耳今案左傳疏所以白虎通義今本無之蓋闕文  
也禮記疏引何休云運斗樞曰夏不田穀梁有夏田  
於義為短鄭君云四時皆田夏殷之禮詩云之子  
苗選徒囂囂夏田明矣如鄭所言夏殷皆以四時田  
獵周因二代之制也管子小匡篇春以田曰蒐蒐通  
作搜周語云搜于農隙韋昭註春田曰搜**五**搜索至  
任者○**正義**杜預左傳註云蒐索擇取不孕者韋昭  
國語註云搜擇也禽獸懷妊未著搜擇而取之○為  
苗稼除害○**正義**鄭註夏官云夏田為苗擇取不孕  
任者若治苗去不秀實者左傳疏云孫炎亦然是孫  
炎同鄭註也郭不從者以鳥獸孕乳多在春時則夏  
獵當以為苗除害故謂之苗月令孟夏之月驅獸毋  
害五穀毋大田獵是夏苗之事也杜預云苗為苗除  
害也與郭義同○順殺氣也○**正義**釋詁云獮殺也

說文云獾秋田也或作祿宗廟之田也鄭註夏官云  
秋田主用罔中殺者多也皆殺而後止杜預云以殺  
為名順秋氣也○得獸至所擇也正義詩疏引李巡  
云罔守取之無所擇也郭註本李巡為義說文云狩  
犬山也冬日草枯故用犬便於逐利也鄭註夏官云  
言守取之無所擇也周語云狩于畢時韋昭註冬田  
曰狩狩圍守而取之畢時時務畢也杜預云  
冬物畢成獲則取之無所擇也杜義與郭同

宵田為獠

**註**

管子曰獠獵畢弋今江東亦呼獵為獠或

曰即今夜獵載鑪照也火田為狩註放火燒草獵亦

為狩

**正義**

此別宵田火田之名也說文云獠獵也詩

與冬獵名同也宵田者鄭風大叔于田云火烈其舉  
孔疏云此為宵田故持火照之或曰管子小匡篇夜  
戰其聲相聞足以無亂宵田所以習夜戰也火田者  
夏官羅氏云蜡則作羅禱後鄭註今俗放火張羅其

遺教王制云昆蟲未蟄不以火田孔疏云從十月以後至仲春皆得火田案火田當在十月春秋桓二年二月焚咸正杜註火田也譏盡物故書是火田當在昆蟲盡蟄之時既行春令猶為火田故春秋書以示譏孔穎達謂仲春得行火田非也左氏定四年傳云田於大陸焚焉杜註火田并見燒也火田之制當如賈疏所云漢之俗在上放火於下張羅承之以取禽獸若馳騁射獵如大陸之田非所宜也註管子至照也正義獠獵畢弋管子四稱篇文詩疏引郭註云獠猶燎也今之夜獵載爐照者也江東亦呼獵為獠管子云獠獵畢弋與今本字句微異○放火至為狩正義左傳疏引李巡孫炎云放火燒草守其下風是郭註所本也

乃立冢土戎醜攸行註冢土大社戎醜大衆起大事動

大衆必先有事乎社而後出謂之宜註有事祭也周

官所謂宜乎社

**正義**此引大雅緜之文而釋之也鄭箋云大社者出大衆將所告而行也

白虎通義云封土立社示有土也又云不謂之土何

封土為社故變名謂之社別於衆土也案社亦謂之

土但謂之冢土以別於衆土爾毛傳云美太王之社

遂為大社也疏云傳以大社者天子社名太王時實

諸侯而云乃立冢土以天子之名言之者言太王立

此社文王後取其制以為天子之社故詩以冢土言

之毛所以為此說者蓋以祭法云王為羣姓立社曰

大社郊特牲云天子大社必受霜露風雨之氣也以

為大社之名唯施於天子其諸侯不得名大社故也

起大事動大衆必先有事乎社而後出謂之宜者詩

疏引孫炎云大事兵也宜者祭也書疏引孫炎云宜

求見福祐也禮記疏云宜者令誅伐得宜亦隨其宜

而言也社主於地又為陰而誅伐亦陰故於社也詩

疏云成十三年左傳曰國之大事在祀與戎故兵為

大事也春秋昭十五年有事于武宮雜記云有事於

上帝皆是祭事故謂祭為有事以兵凶戰危慮有負

敗祭之以求其福宜王制云天子將出宜乎社是也

**註**冢土至大衆○**正義**冢土大社毛傳文釋詁云戎

大也醜衆也毛傳亦本釋詁○周官至乎社○**正義**

春官太祝云大師宜于社又云設軍社鄭司農說設

軍社以春秋傳曰所謂君以師行祓社釁鼓祝奉以

從者也賈疏云軍將出宜祭於社卽將社主行續漢

志云古者師行載社主是

也司馬法謂大社爲冢社

**振旅闐闐****註**振旅整衆闐闐羣行聲出爲治兵尙威武

也**註**幼賤在前貴勇力入爲振旅反尊卑也**註**尊老

在前復常儀也**正義**此引小雅采芑之文而釋之也

夏官大司馬中春教振旅中秋教治

兵賈疏春以入兵爲名尙農事秋以出兵爲名秋嚴

尙威是二時習戰之名也左氏隱五年傳云三年而

治兵入而振旅杜註雖四時講武猶復三年而大習

出曰治兵始治其事入曰振旅治兵禮畢振衆而還

是三年習戰之名也詩所謂振旅闐闐指宣王南征  
之師戰止而歸是治兵振旅為師出師旋之名也所  
指之事雖異其為習戰則同故穀梁莊八年傳云出  
日治兵習戰也入日振旅習戰也公羊莊八年傳作  
出日祠兵何休註禮兵不徒使故將出兵必祠於近  
郊陳兵習戰殺牲饗士卒賈公彥以為祠五兵矛戟  
鈎盾弓鼓及蚩尤之造兵者與爾雅異按鄭箋引春  
秋傳日出日治兵入日振旅其禮也據公羊傳文也  
是鄭君所見公羊傳本作治兵爾雅釋祭名已云是  
禩是禩師祭也是祭始造兵者統謂之師祭此言治  
兵指講武而言何休定作祠兵於義為狹記振旅至  
行聲。正義鄭箋云振猶正也杜預云振整也釋詁  
云旅衆也是振旅為整衆也闐闐者鄭箋云伐鼓闐  
闐然則以為鼓聲案廣雅云闐闐盛也則是衆盛之  
意故郭氏以為羣行聲。幼賤至儀也。正義詩疏  
引孫炎云出則幼賤在前貴勇力也入則尊老在前  
復常法也郭註本孫炎毛傳云入日振旅復長幼也  
長幼猶言尊卑也何休云祠兵壯者在前難在前振

旅壯者在後復  
長幼且衛後也

**講武**

**正義**題上事也講武必順四時故附見釋  
天公羊桓四年傳云諸侯曷為必田狩一

日乾豆二日賓客三日充君之庖何休註云  
已有三牲必田狩者孝子之意以為己之所  
養不如天地自然之牲逸豫肥美禽獸多則  
傷五穀田習兵事又不空設故因以捕禽獸  
所以共承宗廟示不忘武備又因以為田除  
害也是四時之田所以共四時之祭因以習  
武事也宵田火田所以廣其義動眾宜乎社  
則出師之祭也振旅闔闐因釋詩文而類敘  
之兼以辨師出  
入之異名焉

**素錦綢杠**

**註**

以白地錦韜旗之竿纁帛纁  
**註**纁帛絳也

繆衆旒所著素陞龍于繆  
**註**畫白龍於繆令上向練



旒九註練絳練也飾以組註用綦組飾旒之邊維以

纓註用朱纓維連持之不欲令曳地周禮曰六人維

王之太常是也正義此釋龍旒之制也素錦綢杠者

加巧飾也又物不加飾皆自謂之素此色然也錦金

也作之用功重於其價如金故其制字帛與金也說

文云綢繆也鄉射禮記云杠長三仞士之制也廣雅

云天子杠高九仞諸侯七仞大夫五仞此言以素地

之錦綢纏旒之杠也纁帛繆者釋器云三染謂之纁

說文云帛繆也繆旒旗之游也言繆所以著旒以絳

色之繆為之也素陞龍于繆者儀禮疏載白虎通義

述禮記曰天子乘龍載大旂象日月升龍傳曰天子

升龍諸侯降龍言以素色畫上向之龍於繆也春官

司常所謂交龍為旂也練旒九者說文云練凍繆也

游旒旗之旒也旒旒旗之旒也長發鄭箋云旒者旗

之垂者也言以絳絲為下垂之旒有九也考工記鞀

人所謂龍旂九旂也飾以組者說文云組綬屬鄘風  
 干旄云素絲組之鄭箋云以素絲縷縫組於旌旗以  
 為之飾此言以組文為旒之旁飾也維以縷者說文  
 云縷綫也言以縷綫相維持也賈公彥以素錦素陞  
 龍為喪葬之旗也正義以白至之竿正義說文云錦  
 襄色織文也其素色則謂之白地錦說文又云竿竹  
 挺也旂杠為植木後世多呼旂杠為旂竿象其形之  
 植立也綱釋為韜言纏縛之正義纏帛至所著正義  
 鄭註司常云九旗之帛皆用絳賈公彥以為周尚赤  
 故也下文練為絳練縷為朱縷皆以其尚赤也眾旒  
 相著言相繫屬也鄘風鄭箋云屬著也正義畫白至上  
 向正義鄭註司常云諸侯畫交龍一象其升朝一  
 象其下復也賈疏象升朝天子象下復還國也天子  
 旌旗有日月星辰故直有升龍諸侯旌旗無日月星  
 故龍有升降也此文但言陞龍故知其上向也正義  
 練也正義釋名云練爛也煮使委爛也此言以  
 練絲為旒天子之旒十二而此云九旒考工記所建  
 之旗併有七旂六旂四旂者賈公彥以為上得兼下

也○用綦至之邊○**正義**綦亦作纂說文云纂似組而赤是綦組色相似也○用朱至是也○**正義**詩疏引孫炎云維持以縷不欲其曳地是郭註所本也郭引周禮夏官節服氏之文也鄭註云維持以縷王旌十二旒兩兩以縷綴連旁三人持之禮天子旌曳地鄭司農云維持之賈疏云天子旌曳地者禮緯文引之者若不遣維持之則旒曳地故也

**緇廣充幅長尋曰旒****註**帛全幅長八尺繼旒曰旒**註**帛

續旒末為燕尾者義見詩**正義**此釋旒之制也小雅出車云設此旒矣司常云

龜蛇為旒又云縣鄙建旒辨人云龜蛇四旒以象營室也釋名云旒兆也龜知氣兆之吉凶建之於後察度事宜之形兆也緇者詩疏引孫炎云緇黑繪也釋名云緇滓也泥之黑者曰滓此色然也充幅長尋者方言云周官之法度廣為尋幅廣為充言黑繪之廣充竟幅而長及尋者謂之旒說文以為游游而長者

是也繼旒曰旒者說文云旒繼旒之旗也沛然而垂  
 釋名云白旒以帛繼旒末也公羊疏引孫炎云帛續  
 旒末亦長尋詩云帛旒英英是也孫所引詩小雅六  
 月文今本作白旒央央說帛全幅長八尺正布  
 帛俱有幅以其滿幅謂之全幅小爾雅云四尺曰  
 倍仞曰尋說帛續至見詩釋釋名云雜帛為旒  
 以雜色綴其邊如鷲尾也將帥所建象物雜也何休  
 云如燕尾曰旒郭云為燕尾蓋用劉熙何休之說見  
 詩者毛傳白旒繼旒者也詩釋文云繼旒曰莨左傳  
 云莨莨是也一曰旒與莨古今字殊是旒本又作莨

注旒首曰旒

說

載旒於竿頭如今之幢亦有旒

正

此

制也鄘風云子子干旒司常云析羽為旒又云旒車  
 載旒輶人云弧旒枉矢以象弧也說文云析羽注旒  
 首所以精進士卒釋名云旒精也有精光也綏有虞  
 氏之旒也注旒竿首其形彙彙然也詩疏引孫炎云  
 析五采羽注旒上也其下亦有旒縵考工記鍾氏染  
 羽以朱湛丹秫三月而熾之淳而瀆之染羽所以飾

旌旗也旌注於旌而旌又注於干故曰干旌鄭箋云周禮孤卿建旌大夫建物首皆注旌焉又鄭註夏采云綏以旌牛尾爲之綏於幢上見太常以下首皆有旌羽也爾雅舉旌以爲例也註載旌至有旒。正義詩疏引李巡云旌牛尾著于首鄭註明堂位云綏爲注旌牛尾於杠首所謂大麾書云武王左杖黃鉞右秉白旌以麾周禮大麾以田也旌所以精進士卒故公羊宣十二年傳云莊王親自手旌左氏成十六年傳云楚人謂夫旌子重之麾也如今之幢者郭註釋言云今之羽葆幢是也亦有旒者曲禮云武車綏旌疏引何允云垂放旌旗之旒以見於美也又云德車結旌孔疏云德美在內不尚赫奕故結纏其旒著於竿也見旌亦有旒也

有鈴曰旂

縣鈴於竿頭畫蛟龍於旒

正義

上文釋龍旂之制此又釋

旂之有鈴也小雅庭燎云言觀其旂司常云交龍爲旂又云諸侯建旂勳人云龍旂九旂以象大火也說

文云旂旗有衆鈴以令衆也釋名云旂倚也畫作兩龍相依倚也通以赤色爲之無文采諸侯所建也說文云鈴令丁也左氏桓二年傳云錫鸞和鈴昭其聲也杜註鈴在旂動有鳴聲縣鈴至於旒○詩公羊疏引李巡云有鈴以鈴著旒端孫炎云鈴在旂上旂者畫龍是郭註所本也旂畫交龍故何休云加文章曰旂郭註作蛟龍蛟疑交字之訛阮氏梁正等圖旂首爲金龍頭唐志金龍頭銜結綬及鈴是縣鈴於竿頭之遺制與

錯革鳥曰旗

**註**此謂合剝鳥皮毛置之竿頭卽禮記云

載鴻及鳴鳶正義此釋旗之制也小雅無羊云旒惟旗矣司常云鳥隼爲旗又云州里建旗

輈人云鳥旒九旒以象鵠火也說文云錯革畫鳥於上所以進士衆旒衆也釋名云旗譽也軍吏所建急疾趨事則有稱譽也公羊疏引孫炎云錯置也革急也言畫急疾之鳥於旒周官所謂鳥隼爲旗者矣按

六月云織文鳥章毛傳鳥章錯革鳥爲章也鄭箋鳥章鳥隼之文章孔疏引鄭志答張逸云畫急疾之鳥隼是孫氏以爲急疾之鳥畫於繆旒本鄭義也謂至鳴鳶○正義公羊疏引李巡云以革爲之置於旒端是李巡以革爲皮也曲禮云前有水則載青旒前有塵埃則載鳴鳶前有車騎則載飛鴻前有士師則載虎皮前有摯獸則載貔貅鄭註載謂舉於旒首以警衆也孔疏以青旒鳴鳶飛鴻爲畫於旒首虎皮爲舉虎皮於竿首至貔貅則云不知爲載其皮爲畫其形又引舊說通有二家一云與虎皮並畫作皮於旒也一云竝載其皮孔疏引二家之說則載其皮者亦舊說也虎貔貅旣載其皮則鴻及鳴鳶亦當載其皮毛故郭氏本李巡爲說與孫炎異

因章曰旒

正義

以帛練爲旒因其文章不復畫之周禮云

通帛爲旒

正義

此釋旒之制也司常云通帛爲旒又云孤卿建旒說文云旒旗曲柄也所以旒

表士衆釋名云旃戰也戰戰恭已而已也三孤所建  
 象無事也鄭註司常云通帛謂大赤從周正色無飾  
 孤卿不畫言奉王之政教而已註以帛至畫之正  
義左傳疏引孫炎云因其緇色以為旗章不畫之郭  
 氏本孫炎為義以帛練為  
 旒亦言以絳練為之也

旌旗

正義

題上事也此因上文講武而連類及  
 之也鄭註御射禮云旌總名也釋文云旌

本又作旗說文云旗上卒以為期釋名云旗  
 期也軍將所建象其猛如熊虎與衆期其下  
 也司常掌九旗之物名此不盡釋者舉以例  
 其餘也月令云以為旗章以別貴賤等級之  
 度故九旗之名上得兼  
 下不得從上稱也

爾雅正義卷第九



爾雅正義卷第十

文淵閣校理翰林院編修加二級教習席吉士充國史館纂修官邵晉涵撰集

釋地第九

**正義**禮運云地秉陰竅於山川郊特牲云地載萬物呂氏春秋云地塞以形高

誘註地陰也實而能受故塞以成形兆也白虎通義云地者元氣之所生萬物之祖也地之言施也諦也應施變化審諦不設敬始重終故謂之地也說文云地元氣初分輕清陽為天重濁陰為地萬物所陳列也釋名云地者底也其體底下載萬物也亦言諦也五土所生莫不審諦也此篇所釋自九州及於四極者周官大司徒以天下土地之圖周知九州之地域廣輪之數辨其山林川澤丘陵墳衍原隰之名物故爾雅於田野之高下山澤所鍾聚分斷言之疆域之界荒遠之服三代之制不同書闕有間可互證也兼及於八陵者邊師掌四方之地名因十藪

九府而類叙之也兼及於五方之異氣者土訓  
 掌導地憲以辨地物後鄭謂地憲若瘴蠱故釋  
 物之稟異氣者使民不疑於耳目也下篇遞及  
 於北與山川者大戴禮記易本命云凡地東西  
 為緯南北為經山為積德川為積刑高者為生  
 下者為死正陵為牡谿谷為牝是正與山川俱  
 統於地故釋正釋山  
 釋水以次分釋焉

兩河間曰冀州

**註**自東河至西河

冀州者尊帝都也殷邦畿在冀州域內故亦首冀州  
 書疏引李巡云兩河間其氣清厥性相近故曰冀冀  
 近也釋名云冀州取地以為名也其地有險有易帝  
 王所都亂則冀治弱則冀疆荒則冀豐也禹貢云冀  
 州既載公羊疏引鄭註云兩河間曰冀州不書其界  
 者時帝都之使若廣大然周官職方云河內曰冀州  
 案舜肇十有二州鄭註謂舜於舊九州外分青州為  
 營州冀州為并州幽州至夏仍合為九禹貢無幽并

二州則幽并之地併入於冀爾雅有幽州無并州則幽州兼有并州之地周分置幽并二州俱在禹貢冀州域內是殷周冀州視夏制差小自東河至西河○正義河自積石龍門南流為西河至華陰東經底柱孟津過洛汭為南河至大伾北流過泺水大陸又北播為九河同為逆河入于海為東河釋文引馬融云在東河之西西河之東南南河之北郭祇言東河西河不及南河者以下文河南為豫州則冀州在南河之北從可知也史記正義古帝王之都多在河東河西故河北稱河內河南稱河外

### 河南曰豫州

自南河至漢

其氣著密厥性安舒故曰

豫豫舒也釋名云豫州地在九州之中京師東都所在常安豫也釋文引春秋元命包云豫之言序也言陽氣分布各得其處故其氣平靜多序也禹貢云荆河惟豫州公羊疏引鄭註云豫州界自荆山而北至于河禹貢豫州以荆山之北為界爾雅豫州以漢水之北為界是夏殷之殊制也職方云河南曰豫州又

云正南曰荊州則周時荊州兼有漢北之地與殷制

異註自南河至漢註公羊疏引孫氏郭氏皆云

自東河至西河之南曰豫州今本郭註與孫炎異郭

知自南河至漢者以豫州居冀荆之間其界為南河

之南漢水之北也周禮疏云周之雍豫兼梁

州之地爾雅無梁州則殷之豫州亦兼梁地

河西曰離州註自西河至黑水註書疏引李巡云河

故云雍雍壅也釋名云雍州在四山之內雍翳也釋

文引太康地記云雍州兼得梁州之地西北之位陽

所不及陰氣壅闕故取名焉釋文又云雍者擁也東

嶠西漢南商於北居庸四山之內擁翳也禹貢云黑

水西河惟雍州公羊疏引鄭註云雍州界自黑水而

東至于西河也職方云正西曰雍州殷周雍州俱兼

梁州之地與禹貢異註自西河至黑水註郭本

禹貢為義書疏引水經云黑水出張掖雞山至敦煌

通三危山南流入於南海今黑水出張掖雞山至敦煌

六灌湘之山又東五百里曰雞山黑水出焉而南流

注于海郭氏無註屈原天問云黑水元趾  
三危安在是黑水在周末已不可考矣

漢南曰荊州

**註**自漢南至衡山之陽

**正義**書疏引李巡云荊州其氣燥剛

稟性彊梁故曰荊荆彊也釋名云荊州取名於荆山  
也必取荆為名者荆警也南蠻數為寇逆其民有道

後服無道先彊常警備之也禹貢云荆及衡陽惟荆

州公羊疏引鄭註云荊州界自荆山南至衡山之南

職方云正南曰荊州案殷時荊州以漢水為界則自

大別以東江南之地屬於揚州大別以西漢東之地

屬於豫州視夏制差小**註**自漢至之陽。**正義**水經

云漾水出隴西氏道縣嶓冢山東至武都沮縣為漢

水凡在漢水以南皆屬荊州其南界則越過衡山之陽也

江南曰揚州

**註**自江南至海

**正義**公羊疏引李巡云江

曰揚州釋名云揚州州界多水水波揚也釋文引太  
康地記云以揚州漸太陽位天氣奮揚履正含文明

故取名焉禹貢云淮海惟揚州公羊疏引鄭註云揚

州界自淮而南至海以東也職方云東南口揚州其

藪澤川浸與禹貢同殷制割淮南江北之地以屬徐

州故揚州以江為界兼有大別以東之地註自江南

至海。正義公羊疏引孫氏郭氏曰自江至南海也

是郭註本孫炎今本作南至海而公羊疏引作至南

海疑傳寫之誤然史記尉佗傳云秦以并天下畧定

揚越張晏註揚州之南越也顏師古漢書地理志本揚州

之分故曰揚粵置桂林南海象郡晉書地理志以交

州廣州為禹貢揚州之域是五嶺以南至海本禹貢

揚州之地殷制與禹貢同則公羊疏引註作南海不為無據

**濟河間曰兗州**

註自河東至濟

正義濟當作沛兗當作

河間其氣專質厥性信謹故曰兗兗信也釋名云兗

州取兗水以為名也晉書地理志引春秋元命包云

兗瑞也信也禹貢云濟河惟兗州公羊疏引鄭註云

言兗州之界在此兩水之間殷制與夏同職方云河

東曰兗州賈疏周之兗州於禹貢侵青徐之地詩自  
河至濟。正義沅州之域河東與冀分界沭自滎至  
荷西南與豫分界自荷至會汶南與徐分界自會  
汶後東北行東與營分界說苑作濟南曰兗州

### 濟東曰徐州

註自濟東至海

正義書疏引李巡云淮海

曰徐徐舒也釋名云徐州徐舒也土氣舒緩也釋文  
引太康地記以為取徐正為名云周合其地於青州  
禹貢曰海岱及淮惟徐州公羊疏引鄭註徐州界又  
南至淮水殷仍夏制職方云正東曰青州其山川皆  
禹貢徐州之域周無徐州蓋以徐為青也註自濟東  
至海。正義徐與沅以沭為界自沭而東兼有淮南  
江北之地與揚州分界周之青州于禹貢侵豫州地  
故其澤數曰望諸殷為徐州則望諸亦當在境內

### 燕曰幽州

註自易水至北狄

正義釋文引李巡云燕其

幽要也釋名云幽州在北幽昧之地也釋文又引太  
康地記以為因於幽都為名或云北方太陰故以幽

冥為號二者相依也禹貢以幽州之地合於冀州兼  
 方云東北曰幽州正北曰并州爾雅無并州幽州兼  
 有并州之地故下文云燕有昭余祁昭餘祁為周禮  
 并州之澤藪也殷以昭余祁屬燕是為并合於幽之  
 證陸氏釋文亦以并州合於幽州註自易水至北狄  
 在幽州境內水經云易水出涿郡故安縣閭鄉西山  
 周時幽州偏於東北其正北則為并州殷以東北之  
 地割屬營州則幽州之境縮於東北而贏於正北  
 公羊疏引孫炎云自易水至北狄郭註本孫炎

齊曰營州

註

自岱東至海此蓋殷制

正義

公羊疏引李

受性平均故曰營營平也今為青州釋名云古有營  
 州齊衛之地於天文屬營室取其名也禹貢云海岱  
 惟青州公羊疏引鄭註云今青州界東自海西至岱  
 東嶽曰岱山職方云正東曰青州夏周俱無營州釋  
 文云爾雅營州為禹貢之青州矣營者蓋取營正以  
 為號博物志云營與青同海東有青正齊有營正豈



是名乎說苑作齊曰青州是青卽營也自岱東至

海。正義公羊疏引孫氏云自岱東至海郭註本孫

炎書疏云青州之境非至海畔而已堯時青州當越

海而有遼東也舜為十二州分青州為營州營州卽

遼東也爾雅營州之境與禹貢青州同。此蓋殷制

。正義詩疏引孫炎云此蓋殷制釋文引李巡以為

殷制是郭註所本也詩疏云爾雅九州之名禹貢有

梁青無幽營周禮有幽并無徐營孫炎以爾雅之文

與禹貢不同於周禮又異故疑為殷制耳案以爾雅

九州為殷制漢以後諸儒俱無異說惟賈公彥云禹  
貢所云堯舜法爾雅所云似夏法詩譜所云似殷法  
今知不然者鄭氏詩譜首言禹貢雍州故下文卽以  
禹貢九州之名見天下三分之數耳賈氏不審發端  
禹貢二字遂疑為殷法雖述鄭譜實乖鄭義至以禹  
貢為唐虞法爾雅為夏法更無所依據矣此篇所  
釋十藪四極之名多與周禮不同疑亦為殷制

九州正義題上事也說文云州疇也各疇其土

爾雅正義 卷十 五

殊也周公職錄云黃帝受命風后受圖割地  
 布九州通典云黃帝方制天下立為萬國顓  
 頊之所建帝嚳所受創制九州是九州之設  
 由來舊矣文選註引韓詩商頌云方命厥后  
 奄有九域薛夫子章句九域九州也長發云  
 帝命式于九圍毛傳九圍九州也殷設九州  
 是其證呂氏春秋有始覽云河漢之間為豫  
 州周也兩河之間為冀州晉也河濟之間為  
 兗州衛也東方為青州齊也泗上為徐州魯  
 也東南為揚州越也南方為荊州楚也西方  
 為雍州秦也北方為幽州燕也  
 所說疆域大率據爾雅而言也

魯有大野

**註**

今高平鉅野縣東北大澤是也

**正義**

此以下釋藪澤

所在之地也大野為爾雅沅州之藪夏屬徐州故禹  
 貢徐州云大野既豬周屬沅州故職方兗州云其澤  
 藪曰大野與爾雅同左氏哀十四年傳云西狩於大  
 野杜註在高平鉅野縣東北大澤是也水經註引何

承天云鉅野湖澤廣大南通洙泗北連清濟舊縣故  
城正在澤中元和郡縣志云大野澤在鉅野縣東五  
里南北三百里東西百餘里鉅野縣自唐以後屢遭  
河決川原易形藪澤畔岸今莫可考記今高至是也  
州正義漢書地理志高平國鉅野縣魯獲麟所今爲曹  
州正義晉書地理志高平國鉅野縣魯獲麟所今爲曹  
州府鉅野縣故城

晉有大陸

正義今鉅鹿北廣河澤是也

正義此釋冀州之

既作詩疏引鄭註云大陸澤名在鉅鹿北爾雅釋地  
十藪晉有大陸是鄭以禹貢之大陸卽爾雅之大陸  
矣元和郡縣志云大陸澤一名鉅鹿在鉅鹿西北五  
里禹貢曰恒衛旣從大陸旣作澤東南二十里南北  
二十里葭蘆芡蓮魚蟹之類充伋其中澤畔又有鹹  
泉煮而成鹽百姓資之又云廣阿澤在昭慶縣東二  
十五里爾雅曰晉有大陸李吉甫於鉅鹿昭慶二縣  
分引禹貢爾雅似以大陸廣阿爲二澤然唐之鉅鹿

昭慶縣壤地相接鉅鹿西北之大陸即昭慶東之廣  
 阿不得分而為二故吉甫亦云廣阿即大陸淮南曰  
 鉅鹿大陸廣阿咸一澤也志又載深州鹿城縣陸澤  
 縣並有大陸澤則後世移置之名不可以釋經訓通  
 典既載昭慶有大陸澤復以陸澤縣為禹貢大陸澤  
 始考之不審也呂氏春秋有始覽淮南地形訓所述  
 九藪以晉之大陸趙之鉅鹿分為二藪高誘註以大  
 陸為魏獻子所游焚焉而死者鉅鹿為廣阿澤左氏  
 定元年傳魏獻子田於大陸焚焉還卒於甯杜註疑  
 此田在汲郡吳澤荒蕪之地甯今修武縣近吳澤即  
 高註所引也高氏以呂覽淮南分列二藪故析言其  
 地其實魏獻子所田之陸祇就荒蕪之地無當於九  
 州之藪呂覽淮南多述周末漢初之制與爾雅乖異  
 於禹貢尤為無涉孔穎達書疏既知大陸為廣阿又  
 及左傳之大陸蔓引支詞轉生疑義註今鉅至是也  
 ○正義書疏引孫炎等云今鉅鹿縣北廣河澤也是  
 郭註所本疏又引孫云廣河猶大陸與郭氏音義同  
 河當作阿大陸廣阿鉅鹿雖有三名音義實相通也

晉書地理志鉅鹿國鉅鹿縣卽漢之鉅鹿縣也今爲順德府鉅鹿縣

**秦有楊陝**

**註**今在扶風汧縣西

**正義**

此釋雍州之藪也職方冀州云其澤藪曰

楊紆鄭註所在未聞呂氏春秋云秦之陽華高誘註陽華在鳳翔或曰在華陰西淮南云秦之陽紆高誘註

在馮翊池陽一名具圃又修務訓云禹之爲水以身解於陽用之河高誘陽野河蓋在秦也楊陝所在高

氏亦無定說劉昭續漢志註於宏農郡華陰縣引呂氏春秋及高誘於右扶風汧縣引爾雅及郭註以陽

華楊紆分爲二地然陽楊同音華陝古音之轉不當分爲二地也周禮冀州之藪而爾雅屬於秦則楊陝

當在冀雍之間作在華陰者爲近之**註**今在至縣西

**正義**職方雍州云其澤藪曰弦蒲鄭註弦蒲在汧

漢書地理志汧縣北有蒲谷鄉弦中谷雍州藪風俗通義弦蒲在汧縣北蒲谷亭水經註汧水出汧縣之

蒲谷鄉決爲弦蒲藪皆言職方之弦蒲也郭意以職

方之弦蒲卽爾雅之楊紆矣然雍冀二州同一澤藪

爾雅正義

卷十

七

而異其名竊所未詳音書地理志扶風郡汧縣今為隴州

**宋有孟諸**

**註**今在梁國睢陽縣東北

**正義**此釋徐州之

周為青州故職方青州曰其澤藪曰望諸青州侵夏

豫州之地故禹貢豫州曰被孟豬史記夏本紀作明

都鄭註職方云望諸明都也詩譜作明豬左傳作孟

諸與爾雅同元和郡縣志孟諸澤在宋州虞城縣西

十里周回五十里俗號盟諸澤孟望明盟諸豬皆聲

**楚有雲夢**

**註**今南郡華容縣東南巴丘湖是也

**正義**此

之藪也禹貢荊州云雲夢土作又職方荊州云其澤

藪曰雲芾雲夢本一藪也左氏昭三年傳云王以田

江南之夢定四年傳楚子涉睢濟江入於雲中雲夢  
二字分舉後儒遂謂夢在江南雲在江北唐人改禹  
貢爲雲土夢作又以爲從古本尚書於是雲與夢分  
爲二地轉有致疑於職方爾雅者矣然史記夏本紀  
述禹貢云雲夢土爲治漢書地理志引禹貢云雲夢  
土作又俱連舉雲夢則唐人所云尚書古本未足據  
也左傳雲夢分舉不過偶從省文耳傳文謂之江南  
之夢則江北有夢地可知故杜註云楚之雲夢跨江  
南北後儒謂夢在江南者非也吳師五戰及郢昭王  
自郢西走涉沮水渡江而南東行入雲中故杜註云  
入雲夢澤中所謂江南之夢是雲中卽江南之夢後  
儒謂雲在江北者非也雲夢跨江南北統爲一藪故  
呂覽淮南竝連稱雲夢與爾雅同註今南至是也○  
**正義**漢書地理志南郡華容縣雲夢澤在南荆州藪  
鄭康成職方註應劭風俗通義高誘呂覽淮南註韋  
昭國語註俱本漢志之文晉書地理志南郡華容縣  
因於漢制無所改革故郭註亦作在華容漢晉華容  
縣今爲荆州府監利石首二縣監利在江北石首在

江南郭又云在縣東南巴正湖者舉江南以該江北也或以漢志編縣有雲夢宮江夏郡西陵縣有雲夢宮疑郭註為疎漏案春秋以來楚地日闢益廣苑囿戰國策楚王游於雲夢結駟千乘宋玉高唐賦云襄王與宋玉遊於雲夢之臺是當日離宮別苑俱稱雲夢水經註引雲夢城則宮園所在必增置城隍司馬相如子虛賦云雲夢者方九百里雖賦家夸大之辭亦可見後世遊觀之侈非復殷周藪澤之舊故班志於華容曰雲夢澤荆州藪謂之澤謂之藪者所以釋爾雅職方之藪澤也於編西陵俱曰雲夢宮謂之宮者所以存楚宮之故蹟也先王辨九州之藪物上之宜使民貫利後世遊觀之蹟無當於經義故先儒釋經俱從班志作華容

吳越之間有具區註今吳縣南太湖即震澤是也

此釋

揚州之藪也禹貢揚州云震澤辰定職方揚州云其澤藪曰具區漢書地理志會稽郡吳縣具區澤在西



揚州藪古文以為震澤呂氏春秋云吳之具區淮南  
云越之具區高註以為在吳越之間是也註今吳至  
是也。正義晉書地理志吳郡吳縣具區在西晉分  
漢之會稽郡為吳郡以具區為在吳西者仍漢志之  
也。鄭註職方云太湖周三萬六千頃太平寰宇記引虞  
翻川瀆記云太湖東連韭溪凡五道謂之五湖郭以震澤具區  
通瀆湖東連韭溪凡五道謂之五湖郭以震澤具區  
五湖太湖為一水也然職方揚州云其浸五湖與具  
區並列不應一水而互見其名况藪與浸異不得混  
合為一後儒恒致疑焉吳越水鄉濤湖汎決觸地成  
川交渠故瀆難以取悉舍太湖而別求具區所在測  
望地形迄無實驗知舊說未可廢矣  
今太湖在蘇州府西南四十五里

齊有海隅

註

海濱廣斥

正義

此釋營州之藪也呂氏春

猶崖蓋海濱不言所在淮南又云申池在海隅高註  
云海隅藪史記集解引左思齊都賦註云申池海濱

齊藪也是以申池為海隅矣左氏文十八年傳齊懿公游于申池杜註齊南城西門名申門齊城無池唯此門左右有池疑此則是杜氏於申池所在亦無實證劉昭續漢志註於齊國臨菑下引爾雅齊有海隅祇概舉齊地言之耳子虛賦云齊王田於海濱與楚之雲夢對舉是則海濱魚鹽之地有草木禽獸之藪不專屬一地而言註海濱廣斥。正義

### 燕有昭余祁

註

今太原鄆陵縣北九澤是也

正義

此釋

也殷之幽州兼周之并州故職方并州云其澤藪曰昭餘祁呂氏春秋作燕之大昭注作燕之昭余漢書地理志太原郡鄆縣九澤在北是為昭餘祁并州藪鄭康成高誘應劭鄆道元以及後來地理之書俱本漢志迄無異說近時始有疑太原不當為燕地因欲於戰國燕地所屬別求一澤以當昭余祁者殊不知殷周異制爾雅之幽州兼職方之并州則兼有并州之澤藪本無可疑如以為太原之地不當稱為燕

則請以汾水證之汾水之出太原古今無異說也淮南地形訓云汾出燕京高註燕京山在太原汾陽太原御覽引十三州記亦云汾水出武邑之燕京山唯太原嘗屬於燕故山有燕京之名知太原汾水之出燕京則可知太原之屬於燕知燕之得有太原則無疑於燕之有昭餘祁矣晉書地理志太原國鄆縣註衍陵字水經註汾水於大陵縣左池為鄆澤其陂東西四里南北十餘里陂南接鄆俗謂之鄆城泊太谷水出谷西北流逕祁縣故城南自縣連延西接鄆澤是為祁藪也卽爾雅所謂昭餘祁矣今在太原府祁縣東七里

鄭有圃田

詳

今滎陽中牟縣西圃田澤是也

正義

此釋

也職方豫州云其澤藪曰圃田西周時圃田在東都畿內故小雅車攻云東有甫草鄭箋以為圃田之草也東遷後屬於鄭故左氏僖三十二年傳云鄭之有圃田杜註以為圃田澤是也當云周有圃田今云鄭

有圃田者爾雅不成於一人或七十子之徒据東周

疆域改周作鄭與下文周有焦護又後來傳爾雅者

增益其文廣九州之藪為十藪與古籍舛說無它書

可證當從闕疑元和郡縣志圃田一名原圃東西五

十里南北二十六里西限長城東極官渡上承鄭州

管城縣曹家陂又溢而北流為二十四陂正義今滎至

是也正義漢書地理志河南郡中牟縣圃田澤在

西豫州藪晉分河南立滎陽故晉志作滎陽郡中牟

縣今為開封府中牟縣

**周有焦穫**註今扶風池陽縣瓠中是也正義焦穫在雍

藪也小雅六月云整居焦穫疏引孫炎云周岐周也

水經註沮水東注鄭渠渠首上承涇水於中山西邨

瓠口所謂瓠口也爾雅以為周焦穫矣元和郡縣志

焦穫藪亦名瓠口即所謂鄭白二渠是也註今扶至

是也正義晉書地理志扶風郡池陽縣

今為西安府三原縣焦穫澤在涇陽縣界

十藪

正義題上事也左傳疏引李巡云藪揚州

具區荆州雲夢豫州圃田青州孟諸沅州大

野雍州弦蒲幽州奚養冀州楊紆并州昭餘

邠說文据職方而言也案藪與澤異周禮云

藪以財得民左氏昭二十年傳云藪之薪蒸

虞候守之周語云藪物之歸也詩釋文引韓

詩章句云禽獸居之曰藪鄭氏豕宰註云澤

無水曰藪澤虞註水鍾曰澤水希曰藪蓋澤

為大壑眾流所歸藪則卑墊之地廣大之墟  
潦盡水涸草木禽獸叢集其間至於水潦既  
降彌望皆成巨浸則藪與澤無別矣故風俗  
通義云藪者澤也藪之言厚也草木魚鼈所  
以厚養人君與百姓也呂覽淮南所載九藪  
無大野焦穫而以趙之鉅鹿晉之大陸分為  
二藪風俗通義所述十藪据爾雅為說鄭註  
澤虞又云爾雅有八藪賈疏以為周  
秦同在雍州除畿內一州而言也

東陵隄南陵息慎西陵威夷中陵朱滕北陵西隄雁門

是也

**註**

即雁門山也

**正義**

此釋五方之陵名也威夷

顏師古註韓詩作郁夷言使臣乘馬行於此道文選

註引薛夫子章句云威夷險也則韓詩本作威夷漢

郁夷故城在今隴州隴阪在焉故玉篇云威夷險阻

也西隄者穆天子傳云乃絕隄之關墜郭氏彼註以

為即北隄西隄也史記趙世家云反至分先俞於趙

集解引徐廣云爾雅曰西俞雁門是也正義云西先

聲相近蓋陞山西隄二山之地並在代州雁門縣皆

趙地也隄息慎朱滕於經傳無考禹貢云至于東陵

水經以為地在廬江金蘭縣西北史記正義謂昔州

有巴陵蓋是東陵然以威夷西隄例之則東陵不應

在南莊子釋文引司馬彪註云東陵名今屬濟南

也元和郡縣志云東陵在章邱縣南二十八里莊子

所云東陵雖在東方然不聞其名隄猶之漢有南陵

縣水經註有南陵究俱不聞其名息慎也史記五帝

本紀云北山戎發息慎集解引鄭氏云息慎或謂之肅慎此東北之國不可以當南陵先儒傳爾雅者惟以雁門釋西隄是則隄息慎朱滕久莫可考矣註雁門山也。正義海內西經雁門山註出其所柳北郭氏彼註云雁門山即北陵雁之所出因以名云山今在代州西北三十五里

陵莫大於加陵

註

今所在未聞

正義

風俗通義云國語

陵爾雅曰陵莫大於加陵言其獨高厲也陵有天性自然者案今國語無此文淮南人問訓亦云晉厲公之合諸侯於嘉陵加柯聲相近加陵即柯陵也春秋成十七年同盟於柯陵杜註柯陵鄭西地周語云柯陵之會韋註柯陵鄭西地名

梁莫大於湨梁

註

湨水名梁隄也

正義

水隄之高大者有類於陵故舉其最

大者言之春秋襄十六年會于湨梁湨水之旁有大隄梁故可為諸侯盟會之所公羊疏引孫炎云梁小

橋也梁雖訓橋然不可以釋八陵矣正義淇水至隄也

正義公羊疏引爾雅音義云淇水出河南軹縣東南

至温入河與左傳杜註同郭訓梁為隄者以釋宮云

隄謂之梁也水經註云淇水出原城西北原山勳掌

谷南逕原城西春秋會于淇梁

謂是水之墳梁也梁水隄也

墳莫大於河墳註

墳大防正義

河隄謂之陵猶淇梁也禹貢錐指云漢河隄謂之金

隄賈讓所云東薄金隄者在今濬縣界李垂導河書

言曹公所開運渠東北有伯禹古隄蓋鯀所作也而

禹修之世遂日之曰禹隄讓所謂東薄金隄即此也

案祭法云鯀障鴻水是河有隄防其來舊矣註墳大

防正義釋正文方言云青幽之間凡上而

高且大者謂之墳郭氏彼註云郎大陵也

八陵正義

題上事也文云大阜曰陵詳見下

東方之美者有醫無閭之珣玕琪焉註醫無閭山名今



在遼東珣玕琪玉屬

**正義**此釋八方中土之利也職方

遠遊云夕始臨乎於微間漢書地理志作無慮皆聲

之轉也說文云醫無閭之珣玕琪周書所謂夷玉也

案顧命云夷玉在東序疏引鄭註云夷玉東方之珣

玕琪也珣玕琪三字連文淮南地形訓無作毋醫

無至玉屬○**正義**漢遼東郡晉為遼東國醫無閭山

在今錦州府廣寧縣西十里高誘淮南註珣玕琪玉

名郭以為玉屬今大凌河有錦川石美

者瑩潤如玉大者可作儿是王之屬也

東南之美者有會稽之竹箭焉**正義**會稽山名今在山陰

縣南竹箭篠也

**正義**職方揚州其山鎮曰會稽其利

金錫竹箭史記夏本紀禹會諸侯于

江南計功而崩因葬焉名曰會稽會稽者會計也吳

越春秋云禹巡行天下會計修國之道因以會稽名

山仍為地號禹貢揚州云篠簞既敷無極山碑云揚

粵之篠簞財用於是乎出案東南多竹箭至今猶然

**會稽**至篠也。○**正義**晉書地理志會稽郡山陰縣

會稽山在南上有禹冢會稽山今在紹興府會稽縣

南二十里郭以竹箭為篠者下文釋草云

篠竹又云篠箭据此為說也詳見下文

**南方之美者有梁山之犀象焉**犀牛皮角象牙骨

職方荊州其山鎮曰衡山其利丹銀齒革爾雅作梁

山者淮南主術訓橋直植立而不動高誘註橋枯桿

上衡也太平御覽引符子云令衡官橋而量之折十

橋衡謂之橋橋亦謂之梁是衡與梁義相通也衡與

橫通強梁語轉作強橫是衡與梁聲相近也鄭康成

周禮註云衡山在湘南高誘淮南註云梁山在會稽

長沙湘南會稽二字承上文而行云在長沙湘南是

梁山即衡山之明證矣衡山所在詳見下文釋山犀

牛皮可為甲詳見下文釋獸象者說文云象長鼻牙

南越大獸三年一乳左傳疏引異物志云象身倍數

牛而目則如豕其鼻長七八尺其所食物皆鼻取之

郭氏山海經註云象獸之最大者長鼻大者牙長一

丈性妒不畜淫子象牙骨可為器用故左氏襄二十四年傳象有齒以焚其身鹽鐵論云荆揚之皮革骨象言其利於用也又左傳定四年楚人執燧象以奔吳師是楚地固有象矣今象在南徼外

西南之美者有華山之金石焉

**註**黃金礪石之屬

**正義**

豫州其山鎮曰華山高誘淮南註金美金石含玉之石也華山今宏農華陰南山是也高誘以石為含玉之石者漢書地理志京兆藍田縣山出美玉西都賦云陸海珍藏藍田美玉註引范子計然曰玉英出藍田水經註云麗戎之山一名藍田其陰多金其陽多玉是古者以金玉為西南之美也華山所在詳見釋山**註**黃金礪石之屬**正義**說文礪石次玉者玉藻云士佩璠玟而緼組綬璠當作礪子虛賦云礪石砥砭張揖註云礪石白者如冰半有赤色郭以金石之類不可枚舉故言黃金之屬以該三品言礪石之屬則含玉之石亦在其中

西方之美者有霍山之多珠玉焉註霍山今在平陽永

安縣東北珠如今雜珠而精好正義禹貢云至于岳

方冀州其山鎮曰霍山晉語云景霍以為城即霍太

山也高誘淮南註出夜光之珠五色之玉也太史公

云山西饒材竹穀纁旄玉石應劭註子虛賦云磻石

出雁門是玉之屬也今山西有玉色黑美者可以鑑

里人謂之玫玉註霍山至精好正義漢書地理志

河東郡彘縣霍太山在東後漢陽嘉三年改彘縣為

永安劉昭註續漢志引爾雅云西南之美者有霍山

之多珠玉焉西方作西南傳寫之訛也晉書地理志

平陽郡永安縣縣名仍後漢之舊霍山今在平陽府

霍州東三十里說文云珠蚌之陰精郭云如雜珠而

精好據時驗云然也今未聞

西北之美者有崑崙虛之璆琳琅玕焉註璆琳美玉名

琅玕狀如珠也山海經曰崑崙山有琅玕樹正義禹貢雍州

厥貢惟球琳琅玕職方雍州其利玉石管子輕重甲篇崑崙之虛不朝請以璆琳琅玕為幣乎昆侖虛之

球琳即後世于闐之玉也註璆琳至珠也。正義釋器云璆琳玉也郭註同詳見上詩疏引鄭康成書註

云琅玕珠也高誘淮南註云璆琳琅玕皆美玉也郭氏以為琅玕色如珠者琅玕為石之精液凝結而成

其色似珠不得與璆琳竝以為玉亦不得遂以為珠也說文云琅玕似珠者與郭註同。山海至玕樹。

正義海內西經文也郭氏彼註云琅玕子似珠也淮南地形訓增城九重琅玕在其東倣真訓云鍾山之

王高誘註鍾山昆侖也

北方之美者有幽都之筋角焉註幽都山名謂多野牛

筋骨正義考工記云燕之角史記貨殖傳云龍門碣石北多馬牛羊旃裘筋角高誘淮南註云古之

筋骨正義考工記云燕之角史記貨殖傳云龍門碣石北多馬牛羊旃裘筋角高誘淮南註云古之

幽都在雁門以北其畜宜牛羊馬出好筋角可以為  
弓弩魏都賦云燕弧盈庫而委勁是北方筋角之利  
也註幽都至筋骨。正義海內經云北海之內有山  
名曰幽都之山通典云幽州因幽都山以為名也山  
海經有幽都山今列北荒矣筋角不盡出  
於野牛郭云多野牛筋角舉類以曉人也

東北之美者有斥山之文皮焉註虎豹之屬皮有縹綵

者正義此釋營州之利也隋書地理志東萊郡文登  
縣有斥山太平寰宇記以為即爾雅之斥山矣斥  
山在今登州府榮成縣南一百二十里管子揆度篇  
發朝鮮之文皮又輕重甲篇發朝鮮不朝請文皮綵  
服而以為幣乎斥山在營州域內營州越海有遼東  
地故能聚東北之美註虎豹至綵者。正義淮南道  
應訓散宜生得元豹黃羆青豸白虎文皮干合以獻  
于紂是文皮為虎豹之屬也鹽鐵論云燕齊之魚鹽  
旃裘高誘淮南註云文皮虎豹之皮也傳云無終  
子使孟樂因魏莊子納虎豹之皮以請和諸戎也

中有岱岳與其五穀魚鹽生焉言泰山有魚鹽之饒

**正義**禹貢云海岱惟青州厥貢鹽絺海物惟錯史記

集解引鄭註云海物海魚也魚種類尤雜職方兗州

其山鎮曰岱山其利蒲魚其穀宜四種鄭註四種黍

稷稻麥職方又云豫州其穀宜五種鄭註云五種黍

稷菽麥稻岱岳以南為中土故五穀並殖焉岱岳所

在詳見釋山言泰至之饒左氏昭二十一

年傳云海之鹽蜃祈望守之管子地員篇齊有渠展

之鹽又云煮泔水為鹽史記貨殖傳太公望封於營

且地瀉鹵通魚鹽則人物歸之

是海岱之間有魚鹽之饒也

### 九府

**正義**題上事也高誘戰國策註府聚也賈

公彥云凡物所聚皆曰府官人所聚曰官

府在人身飲食所聚謂之六府月令云季春

之月命工師令百工審五庫之量金鐵皮革

筋角齒羽箭幹脂膠丹漆毋或不良是九府

之美大率利用所資也禮運云聖王所以順

山者不使居川不使渚者居中原而弗傲也  
 鄭註山者利其禽獸渚者利其魚鹽中原利  
 其五穀使各居其所安不易其利勞傲之也  
 爾雅言九州之利各繫以地不强所無土物  
 之宜即順民之情也管子輕重篇桓公以皮  
 幹筋角羽毛齒革不足為虞故通遠方之貨  
 是則疆國之謀非復先王九府之制矣淮南  
 墜形訓引爾雅之文有霍山之多珠玉焉無  
 多字有崑崙虛之球琳琅玕焉無虛字末云  
 中央之美者有岱嶽以生五穀桑麻魚鹽出  
 焉餘俱同太平御覽引淮南子作徒  
 格山之文皮焉徒格合聲即為斥

東方有比目魚焉不比不行其名謂之鰈音狀似牛脾

鱗細紫黑色一眼兩片相合乃得行今水中所托有

之江東又呼為王餘魚亦曰版魚

正義韓詩外傳云東海之魚名曰鰈



比目而行不相得不能達是比目魚本名鰈隸體變  
轉今作鰈史記封禪書云東海致比目之魚集解引  
韋昭云各有一目不比不行其名曰鰈吳都賦云罩  
兩鰈劉逵註鰈左右鰈一目所謂比目魚也云須兩  
魚竝合乃能遊若單行落魄著物為人所得故曰兩  
鰈丹陽吳會有之鄭康成尚書中候註謂之東繇  
狀似至版魚。**正義**比目魚上林賦謂之鮫郭氏彼  
註云鮫比目魚也狀似牛脾細鱗紫色兩相合廼得  
行與此註同也云江東呼為王餘魚者吳都賦云雙  
則比目片則王餘劉逵註比目東海所出王餘魚其  
身半也云亦曰版魚者初學記引臨海異物志云比  
目魚似左右分魚南越謂之板魚監本脫亦曰版魚  
四字今從史記索隱所引郭註增補郭氏比目魚贊  
云比目之鱗別號王餘雖有二片其實一魚協不能  
密離不  
為䟽

南方有比翼鳥焉不比不飛其名謂之鷦鷯註似鳧青

赤色一目一翼相得乃飛

**正義**逸周書王會篇巴人

者韓詩外傳云南方有鳥名曰鵯比翼而飛不相得

不能舉封禪書云西海致比翼之鳥韋昭云各有一

翼不比不飛其名曰鵯註似鳧至乃飛。**正義**西

山經云崇吾之山有鳥焉其狀如鳧而一翼一目相

得乃飛名曰蠻蠻郭氏彼註云比翼鳥也色青赤不

比不能飛爾雅作鵯鵯是也鵯鵯當作蠻蠻海外南

經云比翼鳥在東其為鳥青赤兩鳥比翼博物志

云比翼鳥一青一赤郭氏比翼鳥贊云鳥有鵯鵯似

鳧青赤雖云一質氣同體隔延頸離鳴翻能合翮

西方有比肩獸焉與邛邛距虛比為邛邛距虛齧甘草

邛有難邛邛距虛負而走其名謂之螻註呂氏春秋

曰北方有獸其名為螻鼠前而免後趨則頓走則顛

然則叩叩距虛亦宜鼠後而兔前前高不得取甘草

故須歷食之今雁門廣武縣夏屋山中有獸形如兔

而大相負共行土俗名之為歷鼠

**正義**釋文引李巡云叩叩距虛能走

歷知美草即若驚難者叩叩距虛便負歷而走故曰

比肩獸孫炎云叩叩距虛狀如馬前足鹿後足兔前

高不得食而善走歷前足鼠後足兔善求食走則倒

故齧甘草則仰食叩叩距虛叩叩距虛負以走王會

篇云獨鹿叩叩距虛善走也註云獨鹿西方之戎也

穆天子傳云叩叩距虛日走五百里韓詩外傳云西

方有獸名曰歷前足鼠後足兔得甘草必銜以遺蚤

蚤說文云蚤蚤獸也西方有獸前足短與蚤蚤巨虛

比其名謂之歷叩叩當作蚤蚤**註**呂氏至則顛○**正**

**義**慎大覽不廣篇云北方有獸名曰蹶鼠前而兔後

趨則踰走則顛常為蚤蚤距虛取甘草以與之蹶有

患害蚤蚤距虛必負而走此以其所能託其所不能

與郭註所引字句微異淮南道應訓用呂覽之文蹶作螻趨則蛤作趨則頓與郭註同。然則至食之。

**正義**郭以呂覽說螻鼠前而兔後蚤蚤巨虛與之相比則宜為鼠後而兔前也與孫炎異高誘淮南註云

鼠前足短兔後足長故謂之螻蚤蚤駉驢前足長後

足短故能乘虛而走不能上也高誘所釋與郭氏意

同說苑云蚤蚤距虛見人將來必負螻以走二獸者

非心性愛螻也為得甘草而貴之故也漢書註引張

揖云蚤蚤青獸狀如馬距虛似羸而小案蚤蚤巨虛

本一獸而劉向張揖以為二獸者因子虛賦有蹇蚤

蚤麟距虛之文而誤解也郭氏彼註云距虛即蚤蚤

賦家變文互言耳顏師古從之是則蚤蚤巨虛實為

一獸。今雁至螻鼠。**正義**晉書地理志雁門郡廣

武縣即漢之太原郡廣武縣也夏屋山在北今為代

州夏屋山在東羅願云遼北

境慶州之地大漠中有螻鼠

北方有比肩民焉迭食而迭望註此即半體之人各有

一目一鼻一孔一臂一脚亦猶魚鳥之相合更望備

警急

**正義**韓詩外傳云北方有獸名曰婁更食而更視不相得不能飽即此肩之民也雖具人形而

僅得半體故亦謂之獸

中有枳首蛇焉

**註**

岐頭蛇也或曰今江東呼兩頭蛇為

越王約髮亦名弩弦

**正義**釋文引孫炎云蛇有枝首者名曰率然王逸楚詞章句云

中央之士有歧首之蛇爭共食牧草之實自相啄嚙

楚相孫叔敖碑少見技首蛇洪适云蛇有兩首謂之

枳首謂蛇有兩頭監本枳作軹今從陸本改正

江至弩弦

**正義**此為兩頭蛇廣異名也郭氏枳首蛇贊云夔稱一足蛇則二首少不知無多不覺有雖

資天然無異駢拇

此四方中國之異氣也

**正義** 陰陽舒慘風土燠寒精氣流形遊魂觸象尸子曰沒深水

而得怪魚入深山而得怪獸是知山海之與異氣所鍾神奇殊彙爾雅所釋昭示典常不矜儻耳目所及時或遇之故為著其形生別其性類庶拘墟者不至見布而疑廣見屬而駭毳爾

五方

**正義** 題上事也不言異氣者省文

邑外謂之郊 郊外謂之牧 牧外謂之野 野外謂之林 林

外謂之坳

**註** 邑國都也假令百里之國五十里之界

界各十里也

**正義** 魯頌毛傳云邑外曰郊 郊外曰野 野外曰林 林外曰坳 說文云邑外謂之

郊 郊外謂之野 野外謂之林 林外謂之坳 或作坳 俱据爾雅為說 無郊外為牧之文 然詩疏及爾雅釋文引李巡孫炎舊註俱有此文 毛許所引蓋異本也 詩孔疏云郊牧野林坳自邑而出遠近之異名。邑

外謂之郊。說文云：距國百里為郊。據天子邦畿千里而言，設百里之國，則十里為郊矣。畿內千里，以百里為遠郊，以五十里為近郊。聘禮云：及郊，又云：賓至于近郊，是也。小雅云：我出我車，于彼郊矣。郊謂遠郊也。郊外至之野。小雅出車云：于彼牧矣。毛傳出車就馬於牧地，邶風靜女云：自牧歸荑，鄭箋：自牧田歸荑，鄭註：天官云：牧，牧田在遠郊，皆畜牧之地，是鄭以遠郊即牧田也。鄭風叔于田云：叔適野，鄭箋：郊外曰野，鄭註：遂人亦云：郊外曰野。說文云：野，郊外也。與鄭註同，皆以郊外即為野也。據郭言百里之制，則郊外十里為牧，牧外十里為野。釋文引李巡本：牧，作田。釋云：田，敵也。謂敵列種穀之處。田，陳以聲近為義也。野又為邑外之總名。詳見下。野外謂之林。說文云：平地有叢木曰林。逸周書大聚解：陂溝道路藜苴邱墟，不可以樹穀者，樹以材木。左氏宣十二年傳云：趙旃棄車而走林，謂野外之林也。林外謂之坰。趙頌云：駟駟牧馬在坰之野。毛傳：坰，遠野也。說文云：口象遠界也。邑外之地以坰為最遠也。

也。○**正義**詩疏引孫炎云邑國都也設百里之國五者之界界各十里是郭註所本也鄭註聘禮云周制天子畿內千里遠郊百里以此差之遠郊上公五十里侯伯三十里子男十里也近郊各半之案鄭据千里之畿以百里為郊孫郭据百里之國以十里為郊皆以都邑居中五之一為郊其義同也詩疏云孫炎言百里之國十里為郊則郊之遠近計境之廣狹以為差也司馬法云王國百里為遠郊王畿千里其都去境五百里爾雅從邑之外止有五明當每皆百里故知遠郊百里也知近郊半之者書序云周公既沒命君陳分正東郊成周於時周都王城而謂成周為東郊則成周在其郊也於漢王城為河南成周為洛陽相去不容百里則所言郊者謂近郊故鄭註云天子近郊五十里今河南洛陽相去則然鄭以河南洛陽約近郊之里數也周禮杜子春註云五十里為近郊白虎通云近郊五十里遠郊百里是儒者相傳以為然昭二年叔弓如晉左傳曰晉侯使郊勞服虔云近郊三十里或當別有依終與鄭異也書傳云百



里之國二十里之郊七十里之國九里之郊三十里  
之國三里之郊言其百里七十里是夏殷諸侯之國  
其郊與周異也按孔疏以書傳所述為夏殷之制然  
爾雅多言殷制據郭註則與周制同眾經音義引爾  
雅舊註云邑外謂之郊外謂之野野外謂之牧牧  
外謂之林皆各七里林外謂之坳無里數設百里之  
國邑王者之都也所引經文及里數俱與郭異說文  
繫傳引爾雅註百里之國十里為郊王畿千里郊當  
百里木郭義也

下溼曰隰大野曰平廣平曰原高平曰陸大陸曰阜大

阜曰陵大陵曰阿正義夏官遘師辨其正陵墳衍遘

野曰平。詩疏引李巡云下溼謂土地窳下常沮洳  
名為隰也說文云隰阪下溼也溼幽溼也从水一所  
以覆也覆而有土故溼也釋名云下濕曰隰隰蟄也  
蟄溼意也平說文作坪云地平也後世謂之平野。

爾雅正義 卷十一 三

廣平曰原高平曰陸。左傳疏引李巡云謂土地寬博而平正名之曰原。詩疏引李巡云高平謂土地豐正名為陸。說文云遼廣平之野人所登陸高平地釋名云廣平曰原。原元也。如元氣廣大也。高平曰陸。陸漉也。水流漉而去也。大司徒鄭註作高平曰原。左氏定四年傳杜註引爾雅作廣平曰陸。水經註引春秋說題辭云高平曰太原。原端也。平而有度。又引尚書大傳云大而高平者謂之大原。是則原陸皆高而廣平者。故諸家引述互見其文。大陸至曰阿。小雅天保云如山如阜如岡如陵。大雅皇矣云我陵我阿。疏引李巡云土地獨高大名阜。阜最大為陵。說文云自大陸山無石者陵。大阜也。阿大陵也。風俗通義云阜者茂也。言平地隆踊不屬於山陵也。今曲阜在魯城中才曲長七八里。維北芒坂即為阜也。釋名云土山曰阜。阜厚也。言高厚也。大阜曰陵。陵隆也。體高隆也。詩釋文引薛君韓詩章句云四平曰陵。

可食者曰原。註可種穀給食。陂者曰阪。註陂陀不平下。

者曰隰註公羊傳曰下平曰隰正義此別種穀之野

大司徒以土會之灋辨五地之物生其五口原隰小

雅信南山云昫昫原隰曾孫田之月令孟春之月善

相工峻阪險原隰土地所宜周語云原隰衍沃衣食

於是乎生地地形有高下平三者之殊西北地多廣平

東南地多下溼故經傳每連舉原隰則高阪之田在

其中左傳疏引孫炎云可食謂有井田也陸阿山田

可種穀者亦曰原孫意以井田正界必當在廣平之

原而後世於山田種穀者亦稱為原故通言之然覈

諸雅訓廣平之野可種穀者謂之原山田則謂之阪

不得相濶大雅公劉云于胥斯原左氏僖二十八年

傳云原田每每皆謂廣平之原可種穀者也阪者詩

疏引李巡云阪者謂高峯山阪說文云阪阪也小雅

正月云瞻彼阪田淮南齊俗訓隄阪耕田皆言山田

襄二十五年傳云町原防杜註隄防之間不得方正

如井田別為小頃町是阪阪之田不盡為井田也隰

者詩疏引李巡云下者謂下溼之地隰溼也禹貢所

謂厥土惟塗泥也古者中原平土分井授田盡力溝  
洫俾民足食荆州田多頃町揚州田多塗泥任土物  
地田不盡井而地無棄利自溝洫湮廢平原膏土寢  
成焦壤鹵不生穀惰農自安粒食所須取之阪隰於  
是禹貢所謂厥田中下厥田下下者華實之毛轉為  
九州之上腴矣太宰九職一曰三農生九穀先鄭云  
三農平地山澤也平地之農耕可食之原山農耕於  
阪澤農耕於隰三農各修其職斯九穀之利溥故爾  
雅分晰其地形焉註公羊至曰隰正義昭元年傳  
云上平曰原下平曰隰何休註分別之者地勢各有  
所生原宜粟隰宜麥當  
教民所宜因以制貢賦

田一歲曰菑註今江東呼初耕地反草為菑二歲曰新

田註詩曰于彼新田三歲曰畝註易曰不菑畝正義禮記

疏引蔡邕月令章句云穀田曰田此釋其耕田年歲  
遠近之異名也詩疏引孫炎云菑始災殺其草木也

新田新成柔田也。畬和也。田舒緩也。禮記註引孫炎  
 註作畬舒緩大司徒云不易之地。家三百畝。先鄭云不易之地。歲  
 家二百畝。再易之地。家三百畝。休一歲。乃復種。地薄故  
 種之美。故家百畝。一易之地。休二歲。乃復種。故家三百畝。說  
 家二百畝。再易之地。休二歲。乃復種。故家三百畝。說  
 文云。菑不耕田也。一易再易之田。久不墾。治草萊蕪  
 塞必以利耜。熾菑發所耕之地也。詩云。倣載南畝。鄭  
 箋讀倣載為熾菑。是也。耕二歲。則土之疆。墾者漸成  
 柔田。耕三歲。則地肥。土緩。說文云。畬三歲治田也。所  
 謂不易之田也。註今江至為菑。正義易釋文引董  
 遇云。菑反。草也。呂氏春秋辨土篇。凡耕之道。必始於  
 墾。謂疆。墾。剛土也。今農家首春墾草。謂之翻田。詩  
 曰。至新田。正義小雅采芑云。于彼新田。于此菑畝。  
 毛傳用爾雅。曰。畬。曰。不菑。畬。云。爾雅。鄭註。  
 董遇云。悉耨曰。畬。馬鄭註。俱本爾雅。鄭註。  
 坊記云。二歲曰。畬。三歲曰。新田。傳寫誤也。

野正義題上事也。野鄭註。此野為甸。稍縣鄙是國。

門之外通謂之野大司徒頒職事十有二于  
 邦國都鄙使以登萬民一曰稼穡鄭司農云  
 稼穡謂三農生九穀也遂師經牧其田野辨  
 其可食者周知其數而任之是治野莫重於  
 稼穡故於原隰阪田菑  
 畚新田悉為別其形體

東至於泰遠西至於邠國南至於濮  
 鉞北至於祝栗謂

之四極

**註**

皆四方極遠之國

**正義**

釋詁云極至也四

戴禮記于乘篇東辟之民至于大遠有不火食者矣  
 是泰遠者因其為遠國而名之也又云南辟之民至  
 于大遠西辟之民至于大遠北辟之民至于大遠以  
 其同為遠國故沿東方之稱也西至於邠國說文引  
 爾雅作西至汎國釋云汎西極之水也南至於濮鉞  
 者逸周書王會篇伊尹為四方令曰正南百濮左氏  
 文十六年傳云百濮離居劉伯莊史記地名云濮在  
 楚西南是也北至於祝栗者祝栗即涿鹿之轉聳太

史公黃帝本紀所謂  
邑於涿鹿之阿也

觚竹北戶西王母曰下謂之四荒

南西王母在西日下在東皆四方昏荒之國次四極

者

正義荒者書疏引馬融禹貢註云荒政教荒忽因其故俗而治之觚竹者齊語云北伐山戎荆令支

斬孤竹韋昭註二國山戎之與也漢書地理志遼西

郡令支縣有孤竹城是觚竹在北也北戶者史記虞

舜紀云南撫交趾北發索隱云北發當云北戶南方

有地名北戶高誘淮南註云日在其北故北戶吳都

賦云開北戶以向日顏師古漢書註日南郡在日之

南所謂開北戶以向日者西王母者大戴禮記少間

篇西王母獻其玉瑀盧辨註漢明帝時於舜廟下得

玉瑀一枝是西王母之國舜時嘗通中國矣淮南地

形訓云西王母在流沙之瀕漢地理志金城縣臨羌

縣西北至塞外有西王母石室故註云西王母在西

山海經穆天子傳所載西王母事郭註所不取也日

下者堯典云宅嵎夷曰暘谷史記正義云青州嵎夷

明之地日所出處名曰暘  
**九夷八狄七戎六蠻謂之四海**  
九夷在東八狄在北

七戎在西六蠻在南次四荒者  
正義禮記疏引李巡

稷云外薄四海禹貢云東漸于海西被于流沙朔南

暨聲教訖于四海孔疏云聞天子威聲文教時來朝

見此言唐虞夏后氏所服四海也商頌元鳥云肇域

彼四海四海來假鄭箋假至也天下既蒙王之政令

皆得其所而來朝覲貢獻此言商所服四海也  
詩序云澤及四海也孔疏謂時王者恩澤被及四海  
之國使四海無侵伐之憂得風雨之節立政云至于  
海表罔有不服孔疏云四海之表無有不服王之化  
者此言周所服四海也夏官職方及明堂位所言國  
數與爾雅互有不同鄭註明堂位以為周之所服國



數也案爾雅釋地多述殷制首言九州以釋商頌之奄有九有此言四海亦當指殷之肇域而言固不盡同於周制矣盧辨大戴禮註以職方為周所服四海之數明堂位為朝明堂時來者之國數爾雅所言為夏之所服殷之服國東方十南方六西方九北方十有三自來註爾雅者俱不言釋地兼述夏制惟賈公彥周禮疏及盧辨註疑為夏制此以意度非有確證也盧辨所述殷所服之國數分列東南西北蓋本於逸周書王會篇末載伊尹朝獻商書然尚書大傳所說夏時四海未能悉合於爾雅也李巡本較郭本增益字句分註國名多係漢時屬國以漢制釋雅訓易涉傳會之詞以筆于為單于復因傳寫而誤事無實證當從闕疑故郭氏不取李巡及孫炎註俱見王制疏

距齊州以南戴日為丹穴註距去也齊中也北戴斗極

為空桐註戴值東至日所出為太平西至日所入為

大蒙

**註**

即蒙汜也

**正義**

上文由四極之國外薄四海此又由中國以推言四方所至也

太平御覽引舍人云自中州以南日光所照故曰丹

穴莊子讓王篇逃乎丹穴高誘淮南註云丹穴南方

當日下之地空桐戴斗極下之地太蒙西方日所入

處也韓非子十過篇堯有天下南至交趾北至幽都

東西至日月之所出入者莫不賓服太平大蒙日月

所出入之地也**註**即蒙汜也。**正義**屈原天問云出

自湯谷次于蒙汜淮南覽冥訓云遄回蒙汜之渚

高誘註蒙汜日所入之地淮南又云入于蒙汜

太平之人仁丹穴之人智大蒙之人信空桐之人武**註**

地氣使之然也

**正義**

淮南地形訓東方有君子之國高誘註東方木德仁故有君子之國

所謂太平之人仁也仁智信武言其稟氣也大司徒

云山林其民毛而方川澤其民黑而津止陵其民專

而長墳衍其民皙而瘠原隰其民豐肉而庠大戴禮

記易本命云堅土之人肥虛土之人大沙土之人細

息土之人美耗土之人醜此言其形體也形體雖殊而各有仁智信武之德淮南汜論訓謂丹穴大蒙反踵空同大夏北戶奇肱修股之民是非各異習俗相反者非也

四極

**正義**題上事也逸周書王子晉解云善至于四海曰天子達于四荒曰天王列子湯

問篇以是知四海四荒四極之不異是也呂氏春秋有始覽言四極四海之里數淮南地形訓山海經詩含神霧俱言四極相去之里經緯羸縮彼此互異覈諸雅訓語或構虛今述不備





